


書名 成案新編二集殘七卷  
撰者 清 閔我備 輯  
卷 卷十二  
內容分類 史-政書 法令-刑案  
索書號 大木-法類-例案-9  
編號 B3851100

# 卷十二



彩色首頁1

[東洋文化研究所漢籍目錄 編號: B3851100](#)

[東洋文化研究所漢籍目錄所藏漢籍善本全文影像資料庫 索書號: 大木-法類-例案-9](#)

[漢籍善本全文影像資料庫文本成案新編二集殘七卷](#)

[版權所有/東京大學 東洋文化研究所](#)

[使用上的注意事項](#)

成案新編二集卷一

浮玉山人閔我備補籬甫輯 世姪景大綸 王甫同校

各例上

生員杖不滿百照例納贖

乾隆二十四年刑部會看得樂平縣民夏國時毆傷夏佛

身死一案據署江撫阿 疏稱夏國時與夏佛生素無

緣該族存有公眾會銀夏國時之伯夏錫爵與夏言

向族眾領借乾隆二十三年十月內族眾催取無償


夏錫爵等各將田立契抵還契載取贖約俟冬至還銀贖



0 1 2 3 4 5 6 7 8 9 6



浮玉山人閱我備補籬甫輯 姪婿胡世英靜山甫同校



律

● 妄言污讟致自盡

乾隆二十三年刑部會看得徐任臣圖姦余繼椿之妻曹氏未成致曹氏羞忿縊死一案據署江撫阿 疏稱緣徐任臣與余繼椿同村居住徐任臣因見余繼椿之妻曹氏頗有姿色于乾隆二十一年四月三十日夜瞰余繼椿父

成案新編

卷十二

刑律

訴訟

子兄弟外出起意圖姦二更時分潛撥余曹氏房門走至床前用手摸探余曹氏身上曹氏驚覺喊叫起床扭住徐任臣衣服時余曹氏之姑李氏聞媳喊聲持棍趨進媳房黑暗之中用棍亂擊徐任臣併誤 曹氏領頰肓余曹氏釋手徐任臣乘間欲遁被李氏拉住徐任臣棉襖用棍連擊徐任臣情急卸襖逃出比徐任臣叔祖母徐曹氏在余曹氏屋後居住聞聲心疑火起開門出視徐任臣即走至徐曹氏家躲匿徐曹氏盤詰得悉圖姦情形徐任臣央浼徐曹氏取討棉襖徐曹氏允許是夜余曹氏不識圖

姦人姓名但被辱抱忿志在捐軀五月初三日徐曹氏討  
火隨言認識棉襖係徐任臣之物央逸余曹氏給還余曹  
氏始知圖姦係徐任臣不肯還衣併云徐曹氏亦屬干証  
徐曹氏畏累信口妄稱留衣爲表記詎余曹氏聞言愈忿  
立意捐軀隨即乘間自縊殞命訊據徐任臣供認不諱將  
徐任臣擬絞監候徐曹氏擬軍收贖等因具題前來應如  
所題徐任臣合依強姦未成本婦羞忿自盡例擬絞監候  
秋後處決該署撫旣稱徐曹氏索取衣服出言污蔑合依  
將曖昧不明姦贓事情汚人名節例擬軍係婦人照律收  
贖等語應如該署撫所題完結再查曹氏因徐任臣圖姦  
不從羞忿自縊洵屬節烈應照例

旌表行令該撫轉行該地方官給銀建坊其該縣節孝祠內設  
牌之處照

恩詔定例遵行等因奉

旨徐任臣依擬應絞著監候秋後處決餘依議

捏造穢語致自盡

乾隆二十四年刑部議覆安撫高 題張宗元污衊陳氏  
致氏羞忿自縊一案緣張宗元邀陳會之姪陳漢章同至  
王大用酒店其飲張宗元因與陳漢章素相戲謔張宗元  
醉後捏稱陳漢章堂妹卽陳會之女陳氏與人通姦懷孕  
陳漢章詰問無據兩相爭罵經王大用勸釋陳漢章歸家  
告知陳會詢問陳氏陳氏不甘卽不欲生經陳會勸止陳  
氏晝夜哭泣指罵張宗元張宗元聞罵至陳會門首欲回  
剖辯因陳會等見而辱罵張宗元氣忿仍稱陳氏懷有私

成案新編

卷十二

刑律

三

訴訟

孩經張宗元之兄張愷斥令歸家而散詎陳氏羞忿莫釋  
投繯殞命驗審不諱將張宗元依例擬軍陳氏附請

旌表等因具題前來應如該撫所題張宗元合依將曖昧不明  
姦賊事情污人名節例僉妻發附近充軍至配所杖一百  
折責四十板再該撫稱陳氏係未嫁之女一聞張宗元  
捏造穢語卽行投繯自盡洵屬貞節可嘉應照強姦不從  
以致身死之例附請

旌表以維風化以慰幽魂等語查定例凡婦女強姦不從以致  
身死者

旌表等語其因調戲本婦羞忿自盡者亦准其

旌表今陳氏因張宗元捏造穢語即便輕生與因人調戲羞忿自盡不同該撫所請陳氏

旌表之處應毋庸議等因奉

旨依議

其  
今  
其  
因  
宗  
天  
聖  
意  
蘇  
蕭  
唱  
與  
鱗  
生  
與  
因  
人  
隨  
越  
養  
念  
其  
因  
臨  
憲  
本  
獻  
養  
念  
自  
盡  
其  
其





誣姦致自盡

乾隆二十五年刑部會看得任亞肖誣指黃阿發之妻任氏與任廷拔通姦致氏羞忿縊死一案據廣東巡撫託疏稱緣任氏係任周氏之女未出嫁時常至族兄任廷拔家與族嫂同做女工任亞肖經見久疑與任廷拔有姦迫後任氏嫁與黃阿發爲妻乾隆二十四年四月二十日任氏又至任廷拔家坐談任亞肖經過看見遂疑其必有姦情于五月十五日往告氏母囑令留意防閑周氏以其汚讖致相爭角維時黃阿發至妻母家探望聽聞含忿而同

成案新編

卷十二

刑律

五

訴訟

十七日任氏歸家黃阿發閉門不納任氏被誣忿激隨在門外柴寮投繯殞命查任氏與任廷拔係同族兄妹共坐閑談鄉愚常事乃任亞肖輒以姦情誣讖以致伊夫黃阿發聽聞不肯收留任氏無以自明投繯畢命是任氏之死實由任亞肖誣姦所致將任亞肖擬絞奏請

定奪等因具題前來應如該撫所題任亞肖應比照誣告人因而致死被誣之人委係平人依誣告人因而致死隨行有服親屬一人例擬絞監候秋後處決等因奉

旨任亞肖依擬應絞著監候秋後處決餘依議

偷牛被獲捏供姦情被污自盡

乾隆二十四年刑部會看得孫廣銀竊牛誣姦以致趙進喜之妻王氏羞忿自縊身死一案據晉撫塔 疏稱緣孫廣銀探知趙進喜外出起意偷竊趙進喜牛隻于二更時分潛至趙進喜門首由房下院正在拉牛欲走經王氏聞聲喊叫趙進喜之弟趙進才等趕至將孫廣銀拿獲報縣審訊孫廣銀誣供素與王氏有姦是夜係王氏約其姦宿並非偷竊等語經縣嚴詰始據供出行竊實情自認挾嫌誣姦不諱該縣隨將孫廣銀重責三十板釋放詎王氏聽成案新編 卷十二 刑律 六 訴訟

聞不甘羞忿莫釋自縊身死報縣驗明屢審不諱將孫廣銀比例擬絞監候奏請

定奪等因具題前來應如該撫所題孫廣銀比依誣告人因而致死隨行有服親屬一人例擬絞監候秋後處決再查王氏並非拒姦身死應毋庸

旌表此案孫廣銀誣供姦情污人名節例應擬軍該縣前以杖責發落事屬失出應將承問失出之芮城縣李璉照例罰俸一年等因奉

旨孫廣銀依擬應絞著監候秋後處決餘依議

〇〇〇先經調戲後又污罵致自盡

乾隆二十三年刑部議覆江撫阿 咨餘干縣民樂克成  
調戲樂文義之妻樂黃氏未從後因酒醉污言詈罵致黃  
氏抱忿投塘身死一案緣樂克成係氏夫樂文義無服族  
兄同村居住乾隆二十二年四月二十六日午後樂克成  
赴田工作經過樂文義家門首進內吃煙適樂文義外出  
惟妻黃氏在家詎樂克成頓起淫心借點火爲名趨至厨  
房手拉黃氏之腿意欲調姦黃氏不理樂克成見氏作色  
恐致聲喊忙卽奔避是晚樂文義歸家黃氏告以調戲情

成案新編

卷十二

刑律

由樂文義顧惜顏面未經投論二十七日樂文義途遇樂  
克成斥責其非樂克成心虛抱愧而去事已寢息迨至五  
月初五日樂文義邀請族叔樂勝先至家過節適樂克成  
醉後閑步復過樂文義門首見樂勝先在内飲酒觸起日  
前調戲黃氏不從復被伊夫面斥之嫌一時酒醉糊塗遂  
疑黃氏亦在席與樂勝先同飲希圖辱罵洩忿聲言黃氏  
可同樂勝先飲酒伊何不可吃煙賴伊調戲并以黃氏養  
漢之語信口污罵樂文義見其酒醉未與較論黃氏被罵  
不甘在房啼哭當經族房樂廷輝等聞聲往視將氏勸慰



并拉樂克成回家詎黃氏抱忿莫釋乘夫外出卽投塘畢命報縣研鞫供認不諱查例載但經調戲本婦羞忿自盡擬絞監候等語細釋定例似指婦人一被調戲卽便輕生以明其志或因本夫及親屬勸慰防閑稍延時日乘間捐軀此皆心存大義死由調戲本婦之節烈可嘉該犯之情罪應抵故特定纒首之條以懲淫惡若止調戲不從並無捨生取義之心又無忍辱苟延之故乃遲之日久因被辱罵而死則本婦非由調戲自盡該犯不應仍科調戲之罪明矣今樂克成先因調戲黃氏不從但黃氏當未喊叫怒罵僅于是晚訴知伊夫並未令夫經衆鳴官亦無窘迫欲死之狀事隔一旬安處如故祇因五月初五日樂克成深入醉鄉經過樂文義門首適見樂勝先在內飲酒疑爲黃氏同席觸起調戲不從訴夫面斥舊嫌混罵養漢之語以致黃氏當衆受辱一時抱忿投塘殞命是樂克成之辱罵雖由調戲不從亦緣酒醉誤疑而起黃氏之自盡實因辱罵抱忿所致並非死于調戲若將樂克成坐以調戲致死之罪似與例意未符至汚人名節以致自盡者律無加重之條是以歷來成案仍照本例科斷黃氏雖被樂克成穢

罵而死究屬自盡樂克成除圖姦未成輕罪不議外合依  
凡將曖昧不明姦贓事情污人名節報復私仇者軍民人  
等俱發附近充軍例應發附近充軍至遣所照例杖一百  
折責四十板樂文義雖據伊妻訴知樂克成調戲情由但  
係因顧顏面含羞隱忍致未稟究情尚可原應請免議造  
冊咨部前來據此樂克成等均應如該撫所擬完結





○○○一人編造謗帖一人持往羞辱致自盡

乾隆二十二年刑部咨覆江撫阿 咨稱萬載縣犯人袁

炳與宋紹明捏造謗帖污蔑宋春元之女觀秀致縊身死

一案查袁炳原籍福建來萬耕山與宋紹明熟識宋紹明

係宋春元無服姪孫乾隆二十年三月初六日宋春元之

子宋富受路過宋紹明誘令跌錢宋富受輸錢四百文宋

紹明逼討無償令寫欠字七月初旬宋紹明持字索討宋

春元訖知斥罵將欠字扯毀宋紹明含怒走回次日宋春

元外出宋紹明復向宋富受索錢并將宋春元家做紙什

成案新編

卷十二

刑律

十

訴訟

物打碎宋春元之女觀秀將宋紹明辱罵而去宋春元回

家投族宋古松等處令宋紹明賠還什物寫立甘結宋紹

明懷恨在心又見宋春元工人李昌貴常與宋觀秀言語

不避嫌疑心圖報復乾隆二十一年二月二十七日宋紹

明至袁炳家閑坐述及前由袁炳亦因乾隆二十年三月

內與藍秀德李昌貴在宋春元家傭工七月內宋春元將

伊同藍秀德辭工獨留李昌貴一人疑係李昌貴唆使所

致心懷嫉妬宋紹明令袁炳設法譏誚袁炳素能寫字唱

歌卽同宋紹明商造匿名歌詞適藍秀德路過吃煙聞卽

勸阻未允袁炳遂編造李姓私逼觀秀等詞寫給宋紹明  
一兩張宋紹明于二十九日持帖一紙前往宋春元家持宋  
春元夫婦子媳俱經外出惟見觀秀坐于紙棚卽以現有  
人刷帖說其不端之語向辱觀秀站起詈罵宋紹明將帖  
棄地口稱係人造帖令交伊父觀看而去至晚宋春元回  
家觀秀將帖交與看念知係被謗姦情忿欲拚命宋春元  
慰待次日投族理論詎觀秀抱忿莫釋卽於是夜投繯殞  
命宋春元同妻陳氏并子宋鎖生將觀秀身屍擡至宋紹  
明家投保報縣將袁炳等拘獲到案供認不諱查袁炳編  
造謗帖汚人名節宋紹明持往羞辱以致宋觀秀忿激自  
縊身死袁炳合依將曖昧不明姦賍事情汚人名節報復  
私仇者軍民人等發附近充軍例應發附近充軍宋紹明  
與宋觀秀並無服制應同凡論除跌錢輕罪不議外合照  
村野愚民出語褻押本婦一聞穢語卽便輕生照強姦未  
成本婦羞忿自盡減一等杖一百流三千里例應杖一百  
流三千里至遺所各杖一百折責四十板藍秀德據訊實  
止偶爾撞遇並未同謀造帖但先不能且止事後又不首  
報合照知人謀害不首告律杖一百宋富受跌錢賭博應



比照壓寶例杖一百所輸錢四百文照追入官宋春  
訊無藉屍圖賴情事但擅將女屍擡往宋紹明家合依不  
應重律杖八十帶同移屍之妻陳氏子宋鑽生已罪坐宋  
春元應請免議失察宋富受跌錢之保正辛敏惠照不應  
輕律笞四十所有失察宋富受等跌錢賭博職名係前任  
萬載縣今調都昌縣知縣朱崧相應開報聽候部議等因  
前來據此袁炳等均應如該署撫所擬完結仍命照例彙  
題至議處文職事隸吏部應將原咨招冊送吏部查議可  
也

大計被叅引見妄奏

乾隆二十五年吏部議得內閣抄出陝撫鍾 奏稱乾隆二十四年十一月十七日准吏部咨稱本部奏片內開本年十月二十六日臣部將陝西省

大計浮躁官例應降三級調用之原任漢陰縣知縣馬日珩帶領引

見據該員奏稱因審理舊案過于認真與上司意見不合是以被叅臣等查閱原叅本內所開劣蹟祇稱本官情性輕浮辦事粗率可刑各案件任意遷就多未允協等語並無審

成案新編

卷十二

刑律

十三

訴訟

理舊案劣蹟隨詢問該員據供乾隆二十三年五月內訪聞民人謝鼎魁因賭博打死王忠該犯夫婦扛擡私自掩埋供係雍正 年事當經錄供通詳奉督臣黃 批王忠被謝鼎魁打死二十年沉寃未伸該員訪查足見留心地方仰按察使速卽檢訊確情等語奉撫臣鍾 飭委紫陽縣吳秉衡查審又委陞任渭南縣知縣武若愚會審該犯夫婦供認不諱復以該犯供稱乾隆六年山水陡發屍骸冲去復自掩埋惟屍頭確是王忠之骨傷處尚有米點紅色其非正命而死可知等語臬臣楊纘緒以事在

赦前且骨殖不全難以爲信讞姑原以人命起見從寬記案過  
三次外結將該犯發縣釋放等語除將馬日珪仍照例降  
調外所有馬日珪供稱情節應否行文該撫查明具奏理  
合聲明請

旨等因于乾隆二十四年十月二十七日奏本日奉

旨馬日珪所供情節著該撫查明具奏到日再降諭旨欽此欽  
遵移咨到臣伏查漢陰縣知縣馬日珪詳報民人謝鼎魁  
毆死王忠一案緣漢陰縣快役張明林于乾隆二十三年

四月十四日拾獲匿帖一紙內開謝鼎魁因賭博打死王

成案新編

卷十二

刑律

十四

新訟

忠伊妻劉氏俱知字樣張明林轉呈本官馬日珪當晚差  
役赴鄉拘獲謝鼎魁夫婦到案嚴訊據供雍正十年五月  
初一日謝鼎魁同王忠袁臣田在陳章家四人同賭謝鼎  
魁輸欠王忠錢一千八百文初二日王忠至鼎魁家索討  
起釁角口王忠拾柴趕打謝鼎魁摸獲鐵斧架格中傷王  
忠頭上倒地殞命當同劉氏將屍擡至門前溝內掩埋滅  
跡等語馬日珪隨將謝鼎魁監禁押令劉氏指認埋屍處  
所于四月十七八九等日連刨數坑掘獲不全髑髏等骨  
又于別坑刨獲頰頰及大小腿骨馬日珪隨以編查保甲

訪出命案究獲兇犯屍骨詳報經署撫臣吳 督臣黃

批按察使遴委紫陽縣知縣吳秉衡檢訊而馬曰璠不候  
委員輒將骨殖移近縣城挖坑蒸檢乃行封貯後吳秉衡  
檢驗骨殖俱難湊合頭骨酥碎偏右開有窟窿骨上雖有  
米點紅色並無血瘡不特傷痕難辯且此處原有舊塚乾  
隆十八年水發冲露骨殖頗多曾經村民用土掩蓋是起  
獲之骨是否確係王忠身屍亦難憑信隨據吳秉衡將檢  
骨情形並究出張明林傳送匿帖緣由錄供通報臣因前  
後情節互異恐該員等各懷意見隨批令按察使楊纘緒

成案新編

卷十二

刑律

十五

訴訟

詳據委員渭南縣知縣武若愚會同吳秉衡覆訊謝鼎魁  
打死王忠之處雖據供認不諱但事歷多年屍傷未確証  
佐未明實屬難成信讞查事在雍正十三年九月初三日  
欽奉

恩赦以前卽照該犯所供亦屬鬪毆斃命例得援免未便以疑  
似之案致令久羈囹圄且事由匿帖發覺若輾轉延累恐  
刁民得計風不可長請將謝鼎魁及同賄之陳章袁臣田  
俱援

赦免議嚴緝書寫匿帖之人究明另結聲明馬曰璠以匿帖發

覺之事捏作訪聞以刨掘數處所獲之骨殖率攤湊合作爲正屍且既經委員赴檢又將骨殖先行蒸驗似屬有意粧點種種俱屬冒昧但尚爲昭雪人命起見請記大過三次等情前來臣隨如詳批結並因馬日珩年力尚壯將其輕率冒昧之處回加訓飭以勵後效在案至本年四月補行

大計據與安直隸州知州李世垣漢興道何履忠將該員開報浮躁由兩司轉揭前來臣復查該員語言舉動原屬輕浮且於前案完結之後辦理事件仍多輕率卽如該員奉

成案新編

卷十二

刑律

十六

訴訟

學臣張 飭發押解隨棚枷號鎗手王緒統在該縣境內脫逃該縣馬日珩匿不詳報經臣專檄飭查又捏稱公出未回係典史盛烈僉差疎脫旋據該典史具稟呈辦該員始將職名據實開送臣隨咨參議處在案是其遷就欺飾竟成習慣居心更不可問是以將該員馬日珩于計典叅劾以肅官方茲奉

諭旨着臣查明具奏所有馬日珩辦理謝鼎魁打死王忠一案原委併

大計叅處緣由理合恭摺覆奏並將原案另繕清摺恭呈

御覽等因奉

硃批該部議奏欽此欽遵抄出到部查原任漢陰縣知縣馬曰  
璠擬該撫奏稱語言舉動原屬輕浮於前案完結之後辦  
理事件仍多輕率枷號犯脫逃匿不通報復捏稱公出卸  
責典史遷就捏飾竟成習慣等語實屬浮躁應請

旨將原任漢陰縣知縣馬曰璠仍照浮躁例降三級調用再查  
此案馬曰璠具詳謝鼎魁打死王忠一事既因快役拾獲  
匿名揭帖捏作訪聞詳報有意掩飾輾轉拖累是其受隱  
匿姓名文書率行審理之處仍應照律議處應將原任漢

成案新編

卷十二

刑律

十七

訴訟

陰縣知縣馬曰璠再照律降四級調用查馬曰璠已于  
大計案內降三級調用知縣無七級可降相應革職至巡撫  
鍾 旣將該縣受理匿名文書之處查出卽應據實指叅  
乃遲至

計典屆期始以浮躁叅劾避重就輕亦屬不合應將陝西巡  
撫鍾 照例降一級調用原報之原任陝西按察使楊纘  
緒照例降二級調用查楊纘緒已經休致應降去頂帶二  
級至原報之道府等官亦例有處分應行令該撫查取職  
名到日再議等因奉



旨依議楊纘緒著降去頂帶二級鍾音著降一級從寬留任

○隱匿已名捏造假札投縣

乾隆二十四年刑部會看陳淑惠假捏標員訪札誣陷  
吳建邦訛詐銀錢一案據蘇撫陳疏稱查陳淑惠偽造  
府印未成其隱匿自己姓名捏造標員趙鷓名字假札誣  
陷與匿名文書無異將陳淑惠擬絞等因具題前來應如  
該撫所題陳淑惠合依投匿名文書告言人罪者絞  
擬絞監候等因奉

旨陳淑惠依擬應絞著監候秋後處決餘依議



一

人參

人參

人參

人參

人參

人參

人參

〇〇〇捏砌款狀騙用印封投遞一狀列名姓與匿名有關

乾隆二十四年刑部會議得蔚州李名世挾嫌捏砌章世鳳劣款騙用官封投遞一案據直督方疏稱緣李名世

與候選通判章世鳳誼屬姻親素不和睦乾隆二十二年冬間李名世長子已草舉人李克明因送弟出外經營作詩贈別內有家惟慈父允承顏之句其詩稿放于書房適章世鳳至彼看見將家惟慈父允承顏句改爲家無慈父子亦賢捏稱李克明所作逢人傳播李名世聞知悞信爲實遂以李克明不孝毀父痛加毆責經李克明將詩稿檢

成案新編

卷十三

刑律

二十

訴訟

視始行消釋後李名世訪知係章世鳳刪改伊子詩句播揚譏誚離間骨肉心懷忿恨欲圖報復遂捏砌章世鳳款蹟呈詞一張卽令李克明照樣謄寫假作口北道家信于乾隆二十三年二月初二日李名世押同李克明赴州交禮房書辦宋文堂稱係口北道家信自京帶來令其稟討官封遞送宋文堂因該州下鄉公出交管僉押家人趙陞接收李名世等隨卽回家趙陞見係本道緊要家信惟恐稽遲因封印時有存剩未銷空白印封卽填銜封發比該州帥家相回署趙陞稟知前情當將宋文堂趙陞均行杖

責卽經口牒道查出發審該州差傳訊供通詳併查明李  
克明中式科分名次詳報題叅革審據供不諱查李名世  
因章世鳳刪改伊子詩句微嫌輒敢捏砌款蹟假作口牒  
道家信騙用本州印信官封投遞希圖報復私仇殊屬不  
法惟是該犯所誣各款係離間骨肉併假稱官職唆訟及  
開店窩賭並非死罪按律反坐罪止流戍卽其所投款狀  
列有伊子名姓尚與匿名揭帖告言人罪者有間將李名  
世比例擬軍等因具題前來應如所題李名世應比照奸  
徒串結衙門人役假以上司察訪爲由纂集事件報復私  
仇者枷號兩個月發邊衛充軍例應枷號兩個月發邊衛  
充軍至配所杖一百折責四十板該犯年逾七旬照例枷  
號放免軍罪收贖該督旣稱李克明雖據供無同謀誣告  
情事但名列賢書聽從伊父捏寫款狀誣騙官封投遞殊  
屬不合除舉人已經叅革外應照不應重律杖八十不准  
納贖候選通判章世鳳因與李名世不睦輒行刪改其子  
李克明詩句誣人不孝之名離間骨肉致滋事端亦屬不  
合相應請

旨革去通判職銜照不應重律杖八十不准納贖第李克明等

事犯在清刑

恩旨以前所得杖罪均請援免等語應如該督所題完結再查  
此案趙陞將李名世捏造道署私書擅填印封投遞皆由  
該州封印內用剩空白印封未經銷燬所致應將蔚州知  
州帥家相照例罰俸一年等因奉

旨依議

匿名揭帖律不受理

乾隆二十一年刑部會看得何贊國投遞匿名揭帖一案  
據河撫圖 疏稱何贊國會充巡檢衙門書辦因承辦撫  
院文書訛寫封套銜姓稟明更換其換下原封裝貯紙張  
帶回家內嗣王鶴和誘何贊國雞姦被王鶴堂兄王江窺  
破經巡兵謝彪侯得祿回稟巡檢錢紉蘭將王鶴何贊國  
責草何贊國貧窘難度追憶爲侯得祿謝彪王江所害卽  
捏造侯得祿等用秤盤收稅銀及鑽入民房情節密寫揭  
帖二紙希圖將侯得祿等責草洩忿隨尋取寫錯舊封粘

成案新編

卷十二

刑律

二十三

訴訟

補銜姓添寫月分將揭帖裝封於乾隆二十年十二月十  
七日送交舖兵韓丙照常轉遞於十二月二十八日投臣  
署中經臣檄查旋據拿獲何贊國屢訊不諱將何贊國擬  
絞監候王鶴等分別擬以柳杖笞責等因具題前來應如  
所題何贊國合依投匿名文書告言人罪律擬絞監候秋  
後處決該撫既稱王鶴合依和同雞姦者照軍民相姦例  
枷號一個月滿日責四十板舖兵韓丙不查明添寫形跡  
混行轉遞亦屬疎忽應照不應輕律笞四十免其草役至  
何贊國匿名揭帖所載侯得祿等多收稅銀及鑽入民房

之處律不受理現飭另行查察如有前項情弊詳叅究處  
等語均應如該撫所題完結再查該犯何贊國訛寫封套  
銜姓稟明更換時該管官卽應將錯寫原封查明銷燬乃  
不行查銷致滋舞弊實屬不合應將清化鎮巡檢錢紉蘭  
照不行詳查例罰俸六個月等因奉  
旨何贊國依擬應絞著監候秋後處決餘依議

屍埋隣邑地界應歸埋屍地審埋

乾隆二十四年刑部會看得魏壯誣良以致谷玉春一家四命羞忿自盡身死一案據晉撫塔、疏稱緣魏壯家內被竊衣服通知鄉長挨戶搜查至谷玉春家內魏壯進內查無所失衣物搜出高糧穗半袋魏壯卽稱高糧穗顏色與伊地內高糧色樣相同指係谷玉春偷竊隨將高糧穗交給魏講携歸並將谷玉春用繩拴縛拉至村內公所谷玉春之妻王氏亦卽跟隨入村魏壯聲言或送官究治或寫保管再無失竊文約完結谷玉春畏懼隨央魏講代寫

成案新編

卷十二

刑律

二十五

訴訟

保約交結魏壯收存魏壯卽將谷玉春解放谷玉春與妻王氏羞忿莫釋王氏同長子谷九小子各服苦杏仁中毒身死谷玉春與次子閏七小子亦皆自縊殞命當經鄉長報縣前任廣靈縣知縣郭磊因谷玉春住房係直省蔚州衛地未經往驗旋卽告休離任屍叔谷躁因谷玉春一家四命係被魏壯誣逼致死赴縣控告經署縣南應泰提犯訊供通詳當經批審谷玉春等身死處所實係蔚州衛地因谷玉春屍棺已埋廣靈縣地界卽歸廣邑承審茲據該縣驗明委係服毒自縊身死屢審不諱將魏壯擬絞王九

惠等擬杖等囚具題前來應如該撫所題魏壯應比照  
告人因而致死或將案外之人拖累拷禁致死一二人者  
擬絞監候秋後處決奏請

定奪該撫既稱魏講隨同搜查代寫保約魏強齊春子并鄉約  
王九惠跟隨搜查附和滋事均應照不應重律杖八十二  
九惠仍革役等語均應如該撫所題完結再此案推諉之  
廣靈縣知縣郭磊例止罰俸已經休致毋庸議等因奉  
旨魏壯依擬應絞著監候秋後處決餘依議



文十

六條再此等語

不顯軍將林八十二

慶觀齊春子并條

慈慈溫烈處

奇人因而廷

本條難於

〇〇 誣告故縱叛黨

乾隆二十一年刑部會看河曲縣已革復捐監生張昌慈挾仇誣告河邑司巡檢寇元極等縱放逆黨一案據護理晉撫蔣 疏稱張昌慈素行強橫曾侵占河保營官地經巡檢寇元極清查勒退張昌慈恃矜混罵寇元極詳革監生擬杖完結張昌慈懷恨兼怨伊兄張昌恕伊姪張成已不爲幫護後有河保營兵王生金獲賊王伏押送寇元極查訊王伏在途竊驟一頭賣給楊高又瞰知楊崇甫缸房布疋頗多至夜往竊被獲寇元極備文僉差弓兵劉功李

成案新編

卷十三

刑律

二十七

訴訟

雲將王伏押赴河曲縣聽審至晚投宿王宗朋店內乘睡潛逃寇元極報縣該縣熊芝並不報叅僅諭嚴緝在案後張昌慈赴部捐復監生行文取結前署縣李炳以已革復捐追照詳草併擬杖責張昌慈追恨事起巡檢力圖報復又因當商王博王茂族孫張時新等俱曾與伊角口爭訟而伊義兄張昌仁亦因伊霸占房屋令妻陳氏出控均有嫌隙遂借王伏潛逃一事捏爲王博等囑託巡檢縱放盜犯李七并帶奸黨張昌仁之妻陳氏誣控霸產等詞赴縣呈首前署縣李炳查無李七之案批飭未准張昌慈不能

洩恨復捏稱李七爲馬朝柱逆黨派人王博等會與逆黨  
交易囑託巡檢中途釋放并控寇巡檢張昌恕等唆使事  
內奸黨張昌仁之妻妾妄控霸產要在州縣撫院衙門稟  
首不准等情奔赴都察院瀆控陞任撫臣恒 奉准院咨  
檄司委審茲據布按二司審擬詳解前來查巡檢寇元極  
審訊者實屬竊賊王伏並非盜犯李七張昌慈欲借王伏  
潛遁指爲縱奸圖陷官民惟恐獲到真審故將王伏改捏  
李七使無對証臣復嚴審寇元極并王博等均各極口呼  
冤卽張昌慈亦自認挾仇誣控不諱又張昌慈賃住張昌  
仁房屋不給賃價審因張昌仁年老乏嗣張昌慈之母將  
伊房產主令私分則張昌仁之妻陳氏出控事切剝膚何  
用他人唆使又張昌慈所稱寇元極等通同縱奸歷次赴  
縣赴州控告不准今查惟有前署縣李炳任內控詞一紙  
亦並非逆黨馬朝柱字樣此外遍查別無控告之案復詰  
訊張昌慈自認惟恐京中不准故爾裝點虛詞自屬真情  
總之馬朝柱乃屢奉

諭旨嚴緝之犯豈肯任巡檢僅用鎖索差役兩名押送之理是  
張昌慈之挾仇妄控固不待深究而明查律載凡謀叛共



謀者斬知情故縱者絞又誣告人死罪未決者杖一百流  
 三千里加徒役三年各等語今張昌慈誣告巡檢寇元極  
 故縱逆黨更將伊胞兄張昌恕親姪張成已等多人一併  
 牽告逆倫害理若僅依誣告人死罪未決問流加徒無所  
 示懲將張昌慈擬絞立決刺字等因具題前來查張昌慈  
 誣告巡檢寇元極故縱逆黨李七並將胞兄親姪一併牽  
 入情殊可惡但究屬誣告未便竟依故縱叛逆律問擬不  
 應如該護撫所題擬以絞決惟查該犯挾嫌虛捏牽告多  
 人若僅照律擬流加徒不足蔽辜應將張昌慈發往黑龍  
 江當差以為惡徒挾嫌誣告者戒等因奉

卷十二

刑律

二十九

誣訟

旨依議

捏報盜劫陷害訛詐

乾隆二十四年刑部據署江撫阿 咨稱臨川縣犯人丁彩仁等設計誑騙舖戶涂煦等銀兩裝傷捏報被賊打搶一案緣丁彩仁向在臨邑東門外姊丈鄒蒂章錢舖內幫工鄒蒂章因見丁彩仁勤謹念係郎舅至戚曾于乾隆二十年正月內令其舊對門另租店屋開張錢舖生理丁彩仁店本無幾隨經鄒蒂章代向各舖攬扯取銀換錢稍獲微利迨後各舖俱與丁彩仁熟識丁彩仁隨亦自向舖戶取銀換錢乾隆二十三年五月初二日丁彩仁向三有典接取涂煦所交換錢銀一百五十兩初五日又接取協一典楊光祖所交換錢銀一百五十兩初八日又接取襍貨舖李文吉所交換錢銀一百兩初九日又接取乘遠典江錦所交換錢銀二百兩并欠行戶王在茲銀一百四十八兩九錢適于五月初九日有開張酒米店之封余盛向丁彩仁挪借銀錢而丁彩仁以其前曾彼此換錢通挪即將乘遠典江錦所交換錢銀二百兩內另秤銀一百兩借與封余盛應用并又于江錦所交銀內另秤銀二十兩連襍貨舖李文吉所交銀一百兩換錢一百千文亦借與封余

盛用訖封余盛曾立借字給與丁彩仁收執迨至初十日  
丁彩仁因思店本無多又已虧折遂潛自設計捏作携銀  
前往金谿許灣換銀被賊中途打搶以糞騙得各舖銀兩  
出外生理卽于是日下午假將三有典涂煦所交換錢銀  
一百五十兩及協一典楊光祖所交換錢銀一百五十兩  
取出在店彈兌分作六封每封貯銀五十兩共銀三百兩  
維時鄒蒂章因見丁彩仁彈兌銀兩詢問其故丁彩仁答  
以欲往許灣換錢并將設計捏搶糞圖騙賴各舖銀兩情  
由密向鄒蒂章告知鄒蒂章始而言斥其非繼因丁彩仁

成案新編

卷十二

刑律

三十一

詐訟

囑勿報張許以原借封余盛銀錢任彼討用隨亦緘默而  
去時有店隣陶鼎若聞係丁彩仁欲往許灣換錢亦交銀  
一十九兩二錢四分俛託帶換錢文丁彩仁隨于是夜將  
前項彈兌過涂煦楊光祖所交原銀三百兩用舊鉄鍋裝  
貯埋藏店後倉屋地下又將店隣陶鼎若所交換錢銀一  
十九兩二錢四分同伊自存各舖所交換錢銀九十四兩  
三錢六分共銀一百一十三兩六錢藏于店屋水溝之內  
又將存店錢六千五百文用紙分包七封假作銀兩貯入  
稍馬布袋置放櫃內嗣于十三日午後丁彩仁詭稱前街

許灣換錢將店關鎖即將取出櫃內稍馬布袋用傘柄  
負起程行至流坊沙洲瞰視無人潛將稍馬布袋所貯  
包錢文取出埋入沙內並將沙土盛貯稍馬布袋丟棄大  
河又復趨至金谿縣所轄之下馬山伊自挫傷頂心偏右  
微破皮捏作被搶銀兩打傷昏暈于黃昏時分回至流坊  
經投營汛訛稱係因被賊打昏是以來遲旋又回至東門  
已店假向鄒蒂章告知被賊搶銀打傷之事而店隣陶  
若信以爲寔亦即踵至查視旋各散歸丁彩仁當即檢出  
對余盛原立借欠銀錢字約一紙交給鄒蒂章收執以杜  
其口嗣于十四日丁彩仁赴縣稟報適臨川縣知縣何溥  
往鄉查點保甲卽于該縣典史徐元軒處捏詞具稟稱係  
十三日午後包裹各舖衆銀六百三十四兩二錢四分盛  
貯稍馬布袋將雨傘柄肩挑前往金谿縣許灣換錢行至  
二十五里下馬山途遇強賊三人被前行一賊不知用何  
器械將伊頭上打傷昏暈倒地奪去稍馬布袋銀兩等情  
經府聞知隨吊稟詞并傳丁彩仁到案查訊見其情形可  
疑當卽勘驗并吊查店簿恐有串匿裝捏情弊經該府于  
五月二十二日帶同臨川縣知縣何溥密往鄒蒂章店內

先行查勘併于鄒蒂查身邊搜出借票一紙係封余盛于五月初九日向丁彩仁借銀一百兩錢一百千文之票并于丁彩仁第二重房間倉底地內起出印放鉄鍋一口內藏銀六封每封五十兩共計銀三百兩隨將丁彩仁鎖押訊供發縣又據臨金二縣勘訊委據典史徐元軒于該犯店舖水溝之內起獲銀一百一十三兩六錢并于流坊沙洲地內起獲紙包銅錢七封共錢六千五百文貯庫研鞫據丁彩仁供認不諱查例載姦棍豪紳憑空捏報盜劫藉以陷害平人訛詐印捕官役者照誣告人死罪未決律問

遣等語今丁彩仁圖騙銀兩裝傷捏報若非根究得寔勢必至波累官役陷害平人情殊可惡丁彩仁合依姦棍憑空捏報盜劫藉以陷害平人訛詐印捕官役照誣告人死罪未決律杖一百流三千里至配所折責四十板仍加徒役三年以儆奸頑而示炯戒鄒蒂章知情收受借約貪圖討用合依爲從減一等律杖一百徒三年至配所折責四十板封余盛挪借銀錢訊不知情應請免議甲長隣佑皆未扶同稟報應免置議余煦楊光祖陶鼎若原交丁彩仁錢各銀兩前于起獲原銀內經縣分別給領今將封余



盛繳還了彩仁借給銀錢連前起獲存剩銀兩并洲地內  
起獲錢文共計銀三百二十一兩一錢四分五厘內除給  
還李文吉銀一百兩又給還江錦銀二百兩外尙餘銀二  
十一兩一錢四分五厘又于丁彩仁名下追銀一百二十  
七兩七錢五分五厘給還王在茲收領訖至封余盛原立  
借票業已給還銷燬相應造冊咨明等因前來據此丁彩  
仁等均應如該署撫所擬完給

成案新編

卷二十一

三十四

刑部

刑部

刑部

刑部

刑部

刑部

刑部

刑部

刑部

刑部

誣告非挾仇量減一等

乾隆二十六年刑部議覆江撫常 咨稱安義縣犯人陳  
化保毆傷瘋子徐良瑞并妄扳陳以錦爲正兇一案查陳  
化保籍隸新建與奉新縣民徐良瑞素不認識緣徐良瑞  
向患瘋症時發時愈乾隆二十四年七月二十七日因同  
居繼父廖之蘭在省開店往依謀生瘋病復發經廖之蘭  
毆打左臀左手腕于是月二十八夜逸出八月初二日至  
新建况坊地方赤身在井撒尿被陳化保見而抽取井邊  
竹籬枝條毆傷左臂右肱肘右手腕等處當有馬婦黃鄧

成案新編

卷十二

刑律

三十五

新訟

氏在場目擊陳化保見係瘋癲亦卽釋手徐良瑞旋卽他  
往不知復被何人毆打多傷死于安義縣之塔泉嶺地方  
初四日晚經保長黃子明見而稟報值該縣感冒不能動  
履移請前署奉新縣郭正嘉代驗并提屍母廖余氏赴訟  
錄供通報嗣陳化保因聽聞路人有瘋子在港下墘拔毀  
田禾被人毆打之語遂疑陳以錦之田在於該處或經毆  
打并陳之星住居與陳以錦附近亦必見聞在家猜疑適  
被間壁黃鄧氏聽聞轉告保長黃子明稟縣關提陳化保  
等到案詎陳化保因值患病與圖推卸卽妄供陳以錦先

後用糞杓柄石塊毆傷瘋子徐良瑞身死鄰同移屍陳之  
星見証等情而陳以錦等因被陳化保妄扳恐不認受刑  
隨扶同混供經該縣據供通詳奉批飭審嗣因陳以錦堅  
不承認該縣親詣查勘訪無陳以錦毆打瘋子情事提犯  
覆訊始據陳化保將聽聞路人之語猜疑混供各情由供  
明提犯親訊據陳化保將毆打瘋子并妄扳陳以錦情由  
供認不諱嚴究寔因風聞猜疑混供并非挾仇扳害究詰  
至再矢口不移似無遁情查原驗已死徐良瑞屍傷止左  
乳右後脇石傷兩處為致命重傷餘俱柴枝輕傷今陳以  
錦既係陳化保妄扳固非正寃而陳化保亦止用竹稍打  
過瘋子右臂膊右肱肘右手腕三下有黃鄧氏在場目擊  
是陳化保亦非應抵之犯且陳化保毆打在先徐良瑞行  
至十餘里外又復受傷身死陳化保并非共毆餘人惟是  
妄扳陳以錦為正寃幾至無辜抵償寔屬誣妄但因根究  
餘傷猜疑混供與挾仇有心誣告者有間陳化保除他物  
毆人成傷罪止擬答不議外合依誣告人死罪未決律量  
減一等杖一百徒三年陳之星陳瑞魁到案因恐拖累隨  
同陳化保混供應照不應重律各杖八十徐良瑞瘋病時

發時愈是以廖之蘭未經報官鎖錮其以宋枝毆傷徐良  
瑞左手腕左臂應笞四十係伊妻余氏前夫之子照律減  
凡人一等同居者又減一等應笞二十查陳化保等雖事  
犯在乾隆二十四年十一月初五日

恩詔以前但到官在後徒杖笞罪概不准援減陳以錦並非此  
案正克應與無干人等飭縣省釋仍飭勒緝正克務獲究  
報併以乾隆二十五年九月二十四日審非正克之日起  
扣限詳叅緝克至該縣德昌先因陳化保妄扳錄供通報  
尙未成招卽自行審出例得免議相應咨部銷案等因前

成案新編

卷十二

刑律

三十七

訴訟

來據此陳化保等均應如該撫所擬完結其毆死徐良瑞  
之正克應令該撫勒限嚴緝務獲審擬具題至文職應否  
免議事隸吏部應將原咨送吏部議可也嗣奉准  
吏部咨議查此案該撫既稱該縣先因陳化保妄扳錄供  
通報尙未成招卽自行審出例得免議等語相應免其查  
議仍知照該撫可也

誣揭屬員 誣輕爲重折杖除得寔坐刺罪

乾隆二十五年刑部會議得叅革銅山營守備高瑞挾嫌  
誣揭千總姚智遠紀字二號戰船私運槽枋帶生白蟻一  
案據福撫吳 疏稱緣紀字二號戰船屆修派姚智遠在  
廠監視乾隆二十四年三月內有目兵黃朋因事在廠爭  
鬧姚智遠徑稟提督將黃朋責革高瑞以姚智遠目無上  
司因此挾嫌立意苛求適紀字二號戰船修竣前任水司  
提督馬龍圖驗明堅固令駕回營姚智遠因先奉本營署  
叅將諭買板料乘便裝入艙內于五月三十日回銅高瑞  
聞風赴船查看見船微有污穢形似生蟻隨起意誣陷捏  
報姚智遠看修船隻桅木軟弱又將船運槽枋帶有白蟻  
以致卵育蔓延具稟經叅將行查姚智遠亦以高瑞挾怨  
故意吹求稟訴高瑞愈加忿怒復將船內各處生蟻船底  
滲漏料物朽爛不堪配用等情詞續行具稟叅將批行查  
驗高瑞恐無形跡遂于八月二十四日將艙板節眼處所  
指爲白蟻鑽穴用鑿鑽探希圖掩飾後于二十五日又捏  
開生蟻處所誣報節節營員先後詳稟經督臣楊 檄委  
勘驗桅木並不柔軟一切槓棋板片委無生蟻亦無朽爛

不堪船身堅固船底實無滲漏具結會詳高瑞誣稟之處  
已據供認確鑿將高瑞比律擬徒折杖姚智遠擬杖援免  
等因具題前來應如所題高瑞應比照推按問事報上不  
以寔律杖八十徒二年姚智遠所載松板雖修理衙門物  
料究非採買官物可比輒以新船載運殊屬不應姚智遠  
應照不應重律杖八十高瑞係誣輕爲重所擬杖八十徒  
二年應折杖一百六十除姚智遠杖八十得寔外應坐剩  
杖八十收贖事犯在

恩詔以前高瑞姚智遠均免收贖等因奉

成案新編

卷十二

刑律

三十九

訴訟

旨依議

誤聽叔言誣告致父屍遭檢

乾隆二十二年刑部會看得交河縣董文才因誣用楊寶涇錢文敗露羞愧自縊伊兄董文宣圖詐誣告又唆令屍子董奉美誣告楊寶涇毆打致死致屍兩遭蒸檢一案據直督方 疏稱緣董文宣總麻服弟董文才與楊寶涇誑屬姑表兄弟乾隆十六年間董文才因貧難度雇與楊寶涇家傭工是年三月內楊寶涇將車僱給與人往江南講定盤費令董文才趕往迨五月內回家董文才因家計貧乏即詭稱盤費不敷在於鄭州地方借用錢二千文楊寶涇

成案新編

卷十二

刑律

四十

訴訟

涇即借錢二千文遣人同往清償董文才知難隱瞞即向實告楊寶涇斥責其非將錢給與董文才携錢回家自覺赧顏不復赴工至七月二十日楊寶涇赴彼往喚用言勸慰於是月二十四日復來傭工迨八月初七日晚董文才因外人物議羞愧莫釋投繯殞命楊寶涇即通知屍妻李氏至家看明李氏因夫係自縊身死不令報官楊寶涇念係至戚備棺盛殮併助以米麪用車送回李氏回家之後將楊寶涇給與米麪不敷出殯情由向伊夫總麻服兄董文宣告知董文宣因楊寶涇家道饒裕隨起意唆令訛詐



併圖從中分肥李氏免從卽往喚本村地方姚美立囑向楊寶涇令其再給糧食楊寶涇分文不給李氏旋即患病身死詎董文宣不遂所欲隨捏稱伊弟董文才頭有破傷二處係被楊寶涇毆打身死赴交河縣具控傳訊兩造各執一詞具詳開檢當經飭委獻縣會同檢明並無毆打傷痕實係自縊填圖通報飭審嗣屍子董奉美自外回家聽信董文宣唆使赴府控告據詳飭委東光縣會同該縣等復行開檢委無別故令文宣奉美逐細查看始行輸服據詳飭審董文宣將各情由供認不諱董文宣除誣告人死罪未決罪止擬流加徒輕罪不議外依例擬絞監候董奉美擬徒減杖姚美立擬杖援免等因具題前來應如該督所題董文宣合依誣告謀殺人命蒸檢卑幼之屍例擬絞監候秋後處決該督既稱董奉美不察虛實冒昧呈告以致父屍復遭蒸檢亦屬不合查該犯係誤聽董文宣唆使董奉美合依誤執傷痕誣告蒸檢者爲從滿徒例杖一百徒三年姚美立身膺地方明知董文才係屬自縊不行報官殊屬不合應照不應重律杖八十革役第查董奉美等事犯到官在

言以前董奉美所得徒罪減爲杖一百姚美立所得杖罪援  
免仍革役等語均應如該督所題完結等因奉

旨董文宣依擬應絞著監候秋後處決餘依議



成家新編

與對樂

董奉美也特封異域為林









屍子誣告旋即供明

乾隆二十六年刑部會看得新昌縣民李芳毆傷總麻服  
兄李貫士身死一案據江撫常 疏稱研訊李芳供認不

諱將李芳依律擬斬監候照例刺字等因具題前來據此  
應如該撫所題李芳合依卑幼毆總麻兄死者斬律擬斬  
監候秋後處決該撫既稱屍子李端混指李乞爲正克誣  
告人死罪未決罪應流徒但念父死非命且旋據供明應  
照不應重律杖八十飭先折責發落能享雖非教唆但已  
知李乞並非正克猶敢聽從屍子之言代寫誑詞亦應照



不應重律杖八十年逾七十照律收贖作詞錢五十九文  
照追入官等語均應如該撫所題完結等因奉

旨李芳依擬應斬著監候秋後處決餘依議

顯賊高燕也顯李共合初舉也顯賊

高傑李芳初舉賊博盟初顯賊陳字榮因具顯前

只李貴士良取一案辦公無常 顯賊初顯李共結不

薄劉二十六平匪陪會首野謀昌總吳李共顯賊初

顯賊初顯賊初

串詐不遂改竄詩句誣首悖逆

乾隆二十一年刑部會看得趙承德誣首原任刑部郎中程鑿詩鈔悖逆一案據蘇撫莊疏稱緣趙承德寄居宛平有山陽縣學生員任太初曾與程鑿有隙任太初至京與趙承德會遇借寓趙承德家見有胡中藻逆詩事發因程鑿曾有秋水詩鈔希圖借此洩忿談及詩鈔悖逆并稱有刻本藏家趙承德遂啟詐念同任太初出京至清江浦即向任太初取得舊詩刻本往拜素識之王序東移寓其家任太初前往同任趙承德將所擬首呈央任太初改定

成案新編

卷十二

刑律

四十四

誣訟

并令代作書稿摘錄詩句一紙加具註解令王序東往程鑿家投送此程鑿探訪趙承德行踪無定未經控理趙承德嚇詐未遂抄錄詩本赴縣首告起出詩板係多互異并據程鑿粘抄書札連詩本呈縣訊供通詳經臣檄拿任太初等來蘇質究旋經總河臣富勒赫

奏明欽奉

上諭交臣嚴審定擬臣亦

奏明在案旋准部咨當將各犯嚴加確究審係虛誣趙承德合依誣告人死罪未決律杖一百流三千里加徒役三年

任太初合依教唆詞訟與犯人同罪律應杖一百流三千里加徒役三年均僉妻發遣王序東依爲從律杖一百徒三年等因具題前來查趙承德與任太初串謀詐騙追索詐不遂輒敢改竄程塾詩句誣以悖逆首害無故擾良情殊兇惡未便僅依誣告律擬流趙承德應改依兇惡棍徒生事無故擾害良人例發寧古塔烏喇地方當差任太初與程塾素有微嫌起意勾引趙承德誣首洩忿非尋常教唆詞訟可比任太初應與趙承德同罪改發寧古塔烏喇

地方管差一併發遣該撫既稱王序東合依

為從律杖一百徒三年等語應如該撫所題完結等因奉

旨依議

與

事

於

指

三

里

廿

舉首詩文悖逆不實

乾隆二十六年刑部議覆江撫常 奏稱武寧縣民余豹  
明挾嫌妄首余騰蛟詩詞狂悖一案先經調任撫臣胡  
訊取親供弁同縣首詩文具

奏請

旨欽奉

上諭交臣詳悉研審將余騰蛟所有居鄉恃符爭訟各本罪按  
律定擬具奏原摺抄寄閱看等因欽此欽遵該臣看得余  
騰蛟係原任刑部主事因私債逼死同官革職後因接

成案新編

卷十二

刑律

四十六

訴訟

駕蒙

恩賞給頂帶乃不知感激仍復居鄉多事幫訟緣伊遠族余豹  
明與余廷正爭田訐控又有已故余文璧倚恃舉人袒護  
豹明而余騰蛟自恃進士曾爲職官遂袒護廷正余文璧  
以此成讎嗣因余豹明所爭之田理曲不勝經親族處息  
田歸廷正余豹明余文璧心知騰蛟暗中著力啣恨愈深  
上年余文璧卧病豹明往看文璧指出騰蛟平日所作險  
怪詩句曲爲註解稱其狂悖指授余豹明令作抱告以圖  
陷害騰蛟未及舉行余文璧旋即身故至本年余豹明隱

恨未消意欲致死騰蛟遂將前詩出首經調任撫臣胡  
以余騰蛟詩句怪誕不經跡似狂悖遂將余騰蛟擬以斬  
決具

奏荷蒙

聖明睿照詳晰

訓示令臣逐一研審定擬仰見我

皇上明慎用刑務期平允不留纖毫遺憾至意臣到任後隨率  
同司道等將余騰蛟所有武斷鄉曲特符帮訟各案行縣  
提取原卷逐一研審詰以詩詞因何狂悖語含譏訕據供

成案新編

卷十二

刑律

四十七

誅訟

勦襲詩人舊句好爲新奇實無絲毫怨望譏訕之意極口  
呼冤似非飾辯復將原詩反覆講解再四推鞠全無異詞  
至訊以居鄉武斷各款內一案如盧必有等在已山砍柴  
騰蛟藉稱山有余姓古墳遣僕率同族人強搶斧鋸希圖  
藉墳佔山又一案騰蛟謀買余豹明等公山余世貽不允  
騰蛟強拉入室關閉二日逼勒出賣世貽控府未結騰蛟  
卽於山場栽種松苗據爲己業又一案余盧兩姓山界未  
清騰蛟主令族人強砍山樹盧姓男婦出阻以致厨房失  
火延燒房屋家貲盡爲灰燼又一案余世勳將造橋大樹

因不適用向余大成易換小樹未經通知騰蛟即喚余大成至祠恃強罰跪罰銀並勒辦酒席方止其餘牽涉有名各訟案事屬瑣屑免其追究但就以上四案訊之余騰蛟已俱俯首認罪無可置辯查余騰蛟倚恃頂帶遇事生風欺凌族黨武斷鄉曲或率眾強搶圖佔山場或將人開閉逼賣公山或強砍樹木致盧姓房屋被焚或在祠橫行將余大成罰跪罰銀勒辦酒席雖所犯各案或經親族處息或經府縣斷結但以此好鬪生事無故擾民之人未便輕爲寬縱余騰蛟雖係革職廢員仍應革去頂帶合依棍徒

生事無故擾害良人例發遣仍照漢人犯遣例曾爲職官之人酌發雲貴川廣烟瘴少輕地方交與地方官管束余豹明如舉首詩詞得實余騰蛟即應斬決今訊係挾讎陷害希圖致死騰蛟並無指出悖逆實跡合依舉首詩文悖逆並無確實形跡例將舉首之人反坐余豹明所首之詩雖係已故余文璧註解但現係余豹明出首則其致死騰蛟之心百喙亦難置辯余豹明應照誣告人死罪未決律杖一百流三千里加徒役三年余文璧業經身故應免置議其盧必有等案已經完結仍令各照原斷案管業毋庸

另議等因乾隆二十六年十二月初五日奉

硃批該部議奏欽此欽遵抄出到部臣等伏查余騰蛟係革職廢員蒙

恩賞給頂帶不思感激安分仍復恃符滋事爲害鄉里既據該撫審明其詩句並無悖逆言詞而擾害良民種種不法此等衣冠敗類不便復留內地致啟事端應將余騰蛟革去頂帶照克惡棍徒發遣例卽發往黑龍江當差不應如該撫所奏改發雲貴川廣地方管束至余豹明挾讎誣告希圖陷害余騰蛟將詩詞舉首設心險惡亦不便仍留內地

成案新編

卷十二

刑律

四十九

訴訟

滋事不應僅照尋常誣告人死罪未決律問擬應將余豹明改照赴督撫按察司官處奏告機密重事不實發邊外爲民例亦改發吉林當差余文璧業經身故應免置議其盧必有等案已經完結仍令各照原斷案管業毋庸議等因奉

旨依議



代捏寫狀赴院司告人命不實

乾隆二十五年刑部議覆餘干縣犯人王子右誣告李偉臣等毆傷伊子王旺俚身死致屍遭蒸檢一案查王子右原籍都昌遷居餘邑與李偉臣素無嫌隙緣王子右有堂兄王子商同子王添命均在都昌乾隆二十四年二月內王添命來至餘邑王子右所居之地開張酒腐店即在伊家共爨而王子右即於二月內將次子王旺俚短雇在蔭靜遠家牧牛五月初七日王旺俚與李偉臣之子李兆俚偕往牧牛各繫草船於小池內岸水戲耍而回不虞王旺

成案新編

卷十二

刑律

五十

誣訟

俚於初八日陡患吐瀉急症雇主蔭靜遠於初九日通知伊父王子右背回詎王旺俚即於是夜病故王子右因見王旺俚死後肚角青色不知爲發變遂疑李兆俚頑耍草船曾有爭毆情事輒令堂姪王添命寫狀捏控李偉臣等叢毆斃命當經餘干縣知縣李世仁驗明王旺俚肚腹發變青紫色週身並無傷痕委係患病身死錄供填格通報王子右猶疑肚角青紫未必實係發變後令王添命照依原詞稿繕呈赴省具控以已係差押在縣不便出名往省囑令呈內冒寫堂兄王子商之名出控王添命照依王子

右所囑代寫本狀赴撫部院衙門告檢當委樂平縣知縣黃繩先檢驗無傷研訊據王子右王添命各供認前情不諱查例載期親以上尊長按律不應抵命者若誣告人命致蒸檢卑幼身死仍照誣告人命罪未決治罪誣告人命罪未決者杖一百流三千里加徒役三年又例載代人捏寫本狀赴督撫并按察司官處告人命重罪不實者問發邊衛充軍各等語今王旺俚因病身死屍父王子右誣告李偉臣等毆死致屍遭蒸檢王子右合依誣告人命致蒸檢卑幼身屍仍照誣告人命罪未決例應杖一百流三千里加徒役三年王添命先既聽從指使寫詞誣告後復代寫詞狀赴省代告應照代人捏寫本狀赴督撫按察司官處告人命重罪不實者例應發邊衛充軍但事犯到官均在乾隆二十四年十一月初五日

詔以前王子右所犯加徒流罪王添命所犯軍罪俱應減爲杖一百徒三年至配所折責四十板王子商在籍不知冒名具控情事應請免議被誣之李兆俚李偉臣及無干之詹靜遠等經縣省釋擬合造具招冊咨部示覆等因前來據此王子右等均應如該署撫所擬完結

刑律

受賍

兵部書役撞騙婪賍

乾隆二十七年刑部會議得湖督愛 等

奏黃在中與武職交通撞騙一案查例載各部院衙門書吏  
輒敢指稱部費招搖撞騙干犯

國憲非尋常犯賍可比審實即行處斬等語黃在中身克兵  
書經承胆敢與武職交通索詐撞騙婪賍疊疊黃景運雖  
非部書竟與黃在中狼狽爲姦赴楚向營員需索多賍均

成案新編

卷十二

刑律

五十二

受賍

屬大干法紀應如該督等所奏黃在中黃景運均應照部  
院衙門書辦指稱部費招搖撞騙非尋常犯賍可比審實  
即行處斬例擬斬立決章兆臨雖據該督等審明未經得  
財亦無別項婪索情事但以役滿經承輒敢串同黃在中  
招誘武員藉端撞騙亦屬不去應如該督等所奏擬斬監  
候入於本年秋審情實該督等既稱王範雖寄信與黃景  
運令其招攬但於接到蔣鰲書後即將違例難行情由因  
覆華九如因王國輔俸滿將陞希圖撞騙即托蔡士元寄  
書招攬其事未成俱審無別項撞騙得賍情事然均係部

書法難寬縱應將王範華九如俱照誑騙聽選官吏財物指稱買官賣缺俱不分首從枷號三個月發烟瘴地面克軍例發烟瘴地面克軍總兵章世鵬聽從黃在中索騙先送小呢一件又寫給一百兩借約雖審無營幹情弊但係有心交結部書致被誑騙叅將劉暄前立四十兩借約係黃在中需索其後次央浼黃景運同弟劉耀進京囑託黃在中免駁許銀立有字約遊擊馬元齡圖謀陞遷囑託章兆臨照應并浼何堂代爲應費以致章兆臨串同黃在中誘令何堂將契押銀一百二十兩事後雖不給銀但央浼

營幹已屬確實都司歐國彥圖阜得缺央浼黃在中營幹出銀八十兩都司曹日璉囑令歐國彥轉託黃在中謀缺雖銀係口許未交而央浼營幹屬實都司蔣鰲謀幹陞官許給銀兩立有借據休致都司王國輔囑託謀陞許銀立約有據已革守備魏國珍出銀四十兩求謀免駁守備潘營卽陳玉先後送銀五十兩行求不駁候補守備李桃央浼黃景運轉託黃在中謀幹得缺許銀立約會帖均屬玩法應將章世鵬劉暄馬元齡歐國彥曹日璉蔣鰲王國輔潘榮李桃均請革職同已革守備魏國珍均依官吏央浼

營幹致被誑騙發遣例俱發遣烟瘴地面充軍到配折資  
安置查劉煊馬元齡均係旂人俱解部發落魏國珍年逾  
七十照例收贖王國輔年逾八十收贖俱免守備曾有義  
楊宏德出銀行求免駭黃在中已將原銀退還事屬未成  
應將會同義楊宏德均請革職照依誑騙未成財未接受  
滿徒例俱杖一百徒三年到配所折責領催何堂聽從馬  
元齡囑託代為應費將地契押銀一百二十兩合依說事  
過錢計贓與受財人同科黃在中係屬撞騙於法並無所  
枉何堂應請革去領催照不在法贓折半科罪六十兩杖  
七十徒一年半年逾七十照律收贖等因查劉煊馬元齡  
應得遣罪均係漢軍應不准折枷完結俱發往黑龍江等  
處當差何堂係領催雖年逾七十不准收贖所得徒罪仍  
照例折枷發落餘均應如該督等所奏完結等因奉  
旨黃在中黃景運俱著即處斬章兆臨依擬應斬著監候秋後  
處決劉煊馬元齡擬罪之處另降諭旨餘依議

官吏枉法贓限內全完減等行求過錢各犯亦遞減

乾隆二十三年刑部會議 叅革署紹興府通判朱文蔚婪  
贓不職一案據浙撫 疏稱緣朱文蔚由監生捐納通

判發浙候補於乾隆二十二年四月委署紹興府糧巡通  
判信任伊戚王振西王持爭務有餘姚縣鹽商聞慎餘即  
貢生聞人梯與姚秀三陶玉興婁巨源合夥行鹽在上虞  
縣梁街地方開張鹽店因姚秀三等另有別業所合鹽店  
俱托聞慎餘一人掌管擇於乾隆二十二年七月初三日  
開張先於六月二十七日聞慎餘令商夥諸成陶奉周賈

成案新編

卷十二

刑律

五十五

受贓

引二十一道至石堰場掛號即赴鹽倉緝鹽二十一包陶  
奉周僱船裝載諸成起意與陶奉周商謀又欲重緝二十  
一包計圖私售分肥陶奉周允從陶奉周先將有引二十  
一包於二十八日運至上虞縣石濟橋折運十包僱夫挑  
送梁街鹽店尙存十一包在船諸成將後緝私鹽二十一  
包僱船押運於七月初二日行至餘姚縣賀市港地方當  
被該場大使王紹統風聞差役王永前往追獲押至餘邑  
王永上岸赴縣稟報該縣添差郁元協同查起諸成知已  
敗露乘王永上岸即令船戶徐國培徐如林將鹽乘水駕

船而逸經郁元等撈獲鹽包稟縣飭緝請成奔至梁街將  
被獲棄水情由告知陶奉周將先運之引目二十一張交  
與諸成令其執引影射諸成持引往報聞慎餘詭稱二十  
七日掛號運鹽二十一引因風雨阻滯至七月初一日始  
抵賀市港被鹽差王永查已過期指作私鹽稟報船戶畏  
懼將鹽棄水等情聞慎餘不察正偽據情稟縣詳報其陶  
奉周先運之鹽尙有十一包在船因引目已交諸成携去  
其鹽不便存留隨將已運到店十包拋入後園池內所有  
在船十一包亦令船戶棄水希圖滅蹟隨被石濟橋居民

成案新編

卷十二

刑律

五十六

受贓

楊文侯撈獲鹽包八個投明保長稟報上邑差查聞慎餘  
聞知石濟橋另有鹽斤棄水查問諸成等始知重引影射  
實情聞慎餘恐遭牽累探知此案已批發該通判提審遂  
邀合夥之姚秀三陶玉興婁巨源商謀營求以私作官陶  
玉興婁巨源以鹽店係托聞慎餘掌管應聽聞慎餘自主  
皆辭不管而去聞慎餘隨懇姚秀三在省就近營謀適姚  
秀三有表戚顧聖傳與姚榮書相熟榮書回與朱文蔚親  
戚王振西相識遂令姚秀三邀同顧聖傳姚榮書於八月  
二十六日赴紹時朱文蔚先於二十五日因公赴省姚榮

書郎於二十七日往拜王振西將聞慎餘鹽案囑托照應  
尙未許銀王振西亦出署回拜迨解批投遞王振西發單  
欲將聞慎餘收禁聞慎餘情極復令姚燦書進署許送銀  
三百兩王振西佞允旋欲赴省向朱文蔚回言有朱文蔚  
家人吳二聞知遂假管門薛三之名託王振西需索王振  
西應允於九月初十日至省將所許三百兩之數隱匿一  
百兩止稱聞慎餘許銀二百兩爲鹽案求情欲審作官鹽  
告知朱文蔚朱文蔚將案情詢問王振西答稱事屬可行  
朱文蔚聽從王振西又因家人薛三吳二需銀無出復向  
姚燦書詭稱銀少不依姚燦書又增許銀一百兩聞慎餘  
隨共措九折九色銀四百兩于九月十三日交與姚燦書  
轉交王振西收受王振西復令聞慎餘賄囑楊文侯之兄  
楊文相出具首呈改供石濟橋並無撈獲鹽包情事以爲  
翻案根據聞慎餘隨給楊文相楊文侯共錢七千文聽從  
捏首改供王振西將銀二百兩交與朱文蔚又給薛三比  
十五兩給吳二二十五兩餘銀一百兩王振西私自入已  
九月二十四日朱文蔚集犯審訊聽信捏供妄首審作楊  
文侯並無撈獲鹽包諸成押運並非重引私鹽將聞慎餘



等開脫具詳姚祭書顧聖傳索討謝禮聞慎餘令姚秀三于鹽本公賬內取九折銀一百兩送與姚祭書顧聖傳分用經臣訪聞飭委杭紹二府審出前情題叅奉

旨革職審擬親加研鞫其重引影射商謀行求說合婪分各情已據官犯人等供明不諱查朱文蔚得受賄銀二百兩係九折九色折實庫平紋銀一百六十二兩將朱文蔚依律擬絞監候叅後完贓減等擬流王振西等分別擬以軍流徒杖等因具題前來據此應如該撫所題朱文蔚合依有祿人枉法贓八十兩絞監候律應擬絞監候該撫疏稱朱

文蔚已經叅後完贓應照例減一等杖一百流三千里等語查例內官吏因事受財貪婪入已審明枉法不枉法等贓果于一年限內全完死罪照原擬減一等等語今朱文蔚應追贓銀既于叅後全完應照例准其減一等杖一百流三千里至配所折責四十板係貪官照例發川陝邊省安插該撫既稱王振西得受贓銀一百兩折實庫平紋銀八十一兩合依枉法贓八十兩無祿人減一等律杖一百流三千里贓已全完應照例再減一等杖一百徒三年姚祭書爲首說事過錢除事後受財四十五兩輕罪不議外

合依說事過錢與受財人同科無祿人減一等杖一百流  
三千里受財之朱文蔚已經完贓減等該犯亦應照例遞  
減一等杖一百徒三年據稱親老丁單現飭確查另報顧  
聖傳除事後得贓四十五兩輕罪不議外合依說事過錢  
為從聽減二等例應杖一百徒三年朱文蔚已完贓減等  
該犯亦應遞減一等杖九十徒二年半家人薛三得受贓  
銀七十五兩折實庫紋六十兩七錢五分合依枉法贓五  
十五兩杖一百流三千里無祿人減一等律杖一百徒三  
年贓已全完應照例再減一等杖九十徒二年半吳二得  
銀二十五兩折實庫紋二十兩二錢五分合依枉法贓二  
十兩杖六十徒一年無祿人減一等律杖一百已經完贓  
應照例再減一等杖九十聞慎餘除諸成等重引影射係  
事後知情輕罪不議外合依以財行求與受財人同科無  
祿人減一等例應杖一百流三千里受財之朱文蔚已完  
贓減等該犯亦應照例遞減一等杖一百徒三年姚秀三  
與聞慎餘合夥開店聽從行求合依以財行求為從無祿  
人聽減二等例應杖一百徒三年受財之朱文蔚已完贓  
減等該犯亦應照例遞減一等杖九十徒二年半諸成起

意細運私鹽六千七百二十斤應比照商人收買餘鹽至  
三千斤以上問發附近衛所充軍例發附近充軍陶奉周  
聽從借引影射合依爲從減一等律杖一百徒三年船戶  
徐國培徐如林因商人僱船裝載不知無引私鹽與知情  
攬載不同但聽從諸成將鹽乘水應照不應重律各杖八  
十船隻免其入官楊文侯撈獲鹽包係有引官鹽既經稟  
報乃同伊兄楊文相串通受賄誣首改供應依枉法贓論  
楊文侯楊文相共得贓錢七千文均合依枉法贓一兩至  
五兩杖八十無祿人減一等律各杖七十時逢熱審杖犯  
減等折責發落各犯名下所得銀錢照追入官撈獲鹽斤  
變價抵績陶奉周所僱之船戶楊士方并不識姓名之寧  
波船戶係載有引官鹽其將鹽乘河係由陶奉周主使應  
與並未同謀行賄之陶玉興妻巨源均行省釋等語均應  
如該撫所題完結等因奉

旨依議

勒索鹽規婪取多贓不枉法不准減等

乾隆二十六年刑部會看得泰華前任衛輝府通判張任  
莘等婪索蘆商王溪等公費銀兩及離任道府縣相繼收  
受一案據河撫常 疏稱緣豫省南陽陝汝等府州配食  
河東引鹽衛輝等府配食長蘆引鹽乾隆二十年河東鹽  
池被水無鹽接濟經前撫臣圖 河東鹽臣西 奏准於  
長蘆鹽內借撥二十一年五月因天津廠鹽路遠運遲請  
就近在衛輝府等廠蘆鹽內借撥俟天津運到抵還當經  
詳議咨准在案二十一年十月間經營鹽務之衛輝府通

成案新編

卷十二

刑律

六十一

受賄

判張任莘知蘆商撥鹽獲利起意分肥傳集商人王溪等  
籍稱借鹽由伊具詳書役紙張飯食等項需費王溪等遂  
議定每包致送公費銀一錢一分張任莘按數收受內給

百辦每包一分餘銀人已乾隆二十三年十月間鹽

道朱若東因公赴衛詢問張任莘借撥蘆鹽聞有公費如  
何分送張任莘承順其意即稱商人有利各衙門書役紙  
張飯食應令酌議遂傳諭王溪等復議每鹽一包送鹽道  
公費一錢回明朱若東應允張任莘又以廠地坐落汲縣  
議送衛輝府同汲縣每包各銀五分并告知衛輝府金樹

屏汲縣王執玉以後遂按數分送朱若東收受而金樹屏  
王執玉亦俱收受此憑空議費婪索取受之情由也迨接  
任鹽道鄧錫禮及接任衛輝府蘓壽寧并接任汲縣商恩  
忠各任內俱循規收受至乾隆二十四年十月內衛輝府  
通判一缺

奏准專管河工將鹽務歸於汲縣延津二縣經管商人王溪  
等議將前送通判每包一錢一分之數分送汲縣六分六  
釐延津縣四分四釐又將原送汲縣之五分議歸衛輝府  
衙門充公衛輝府蘓壽寧延津縣王家憲亦俱收受以上

成案新編

卷十二

刑律

六十二

受賄

致送各銀俱係市平市色九扣折給統計通判張任莘任  
內先後共收過折實銀四千七百二十四兩零家人劉保  
安得受銀二百七十六兩零書辦王典蘭張理分受銀二  
百七十六兩零鹽道朱若東任內收受折實銀一千七百  
四兩零接任鹽道鄧錫禮任內收受折實銀四千四百五  
十九兩零衛輝府金樹屏任內先後收過折實銀一千五  
百七十七兩零已故家人沈錦得受銀四十二兩零接任  
衛輝府蘓壽寧任內收受折實銀三千七百七十六兩零  
家人李錦得受銀二十一兩零

辦李學府連金樹屏任

丙二其得受銀一百六十五兩零書辦吳部連金樹屏任  
丙二其得受銀八十六兩零汲縣王執至任內收受折實  
銀七百六十七兩零內除給過巡役工食銀七十六兩八  
錢外餘銀入己已故家人張吉書辦張秉亮各得受銀四  
十二兩零接任汲縣商思忠任內收受折實銀二千六百  
二十二兩零內除給過巡役工食並雇書紙筆飲食等銀  
五百六十一兩六錢外餘銀入己家人胡燦書辦劉燦各  
得受銀一百三十二兩零延津縣王家憲任內收受折實  
銀一千五百三十八兩零內除給過巡役工食及書辦紙  
張飯食等銀四百五十三兩六錢外餘銀入己家人徐章  
書辦祁嶙各得受銀七十六兩零嗣因鹽道鄧錫禮陞任  
四川臬司護道開封府知府傅爾瑚訥查出撥鹽議有公  
費並無詳案可據不曾收受隨即稟明新任鹽道歐陽永  
荷歐陽永荷據情轉稟陞任前撫臣吳 具  
奏奉有

諭旨徹底清查並飭查明是否舊有陋規抑係憑空新派毋縱  
母枉等因又經前撫臣吳 查明此項並無河東舊有陋規  
實係張任莘創收新派並將收受之道府廳縣各員叅

奏奉

旨革職行提嚴審各官犯陸續押解到豫親加研訊據張任莘

將起意分肥借端婪索並承順朱若東之意代爲議費及

鄧錫禮等循規收受分給家人書辦餘銀人已各確情一

一供認不諱據議費出銀之商人王溪等所供起事年月

及送銀數目俱屬相符似無道情查衛輝府通判張任莘

知借撥蘆鹽商人獲利輒傳詢鹽商王溪等議費得銀至

四千餘兩繼爲道府廳縣創議公費實爲此案罪首鹽道

朱若東不能稽查屬員賍私反向張任莘詢問公費數目

成案新編

卷十二

刑律

六十四

受賍

分送緣由張任莘遂傳該鹽商議費繳送收受銀一千八

百餘兩以致府縣通同婪索上下分肥實與張任莘情罪

相等接任鹽道鄧錫禮雖屬相沿收受但身爲監司大員

婪賍至四千餘兩之多非尋常職官犯賍可比將張任莘

朱若東鄧錫禮均依不在法賍一百二十兩以上律擬絞

監候衛輝府知府金樹屏蘓壽寧汲縣知縣王執玉商思

忠延津縣知縣王家憲俱照官吏求索所部內財物計賍

不在法論一百二十兩以上律擬流改發川陝邊省安

插爲民李學府等擬杖等因具題前來查律載官吏受財

不枉法贓折半科罪一百二十兩以上絞監候又律載監  
臨官吏求索所部內財物計贓准不枉法論罪止杖一百  
流三千里各等語今朱若東由科道擢用監司統轄鹽務  
明知通判張任莘向鹽商王溪等借端需索輒起意分肥  
授意屬員添派餽送入已以致所屬各官公然通同婪索  
在接任道員鄧錫禮尙屬沿襲收受而朱若東實屬創始  
加派該撫將朱若東與沿襲收受之鄧錫禮一例科斷情  
罪尙未平允應將朱若東照風憲官犯贓加等律改爲擬  
斬監候秋後處決鄧錫禮於前任陋規並不據實詳揭輒  
行隨同收受應如該撫所題依求索部內財物計贓准不  
枉法論一百二十兩以上絞監候秋後處決通判張任莘  
因商人王溪等借撥蘆鹽獲利輒起意勒索婪取多贓復  
爲道府縣議派公費實爲此案罪魁亦應如所題擬絞監  
候秋後處決均不准減等仍將朱若東鄧錫禮張任莘俱  
入本年秋季審情實另奏請

旨辦理該撫疏稱衛輝府知府金樹屏汲縣知縣王執玉聽從  
張任莘收受贓銀接任知府蘄壽寧汲縣知縣商思忠延  
津縣知縣王家憲因循舊弊各收多贓按數均在一百二



十兩以上俱合依求索部內財物准不枉法論罪止杖一百流三千里律均杖一百流三千里改發川陝邊省安插爲民等語應各杖一百流三千里照例改發邊省爲民係貪官不准折贖該撫又稱書辦家人李學府等所得銀兩因王溪等議送各叅員公費一併議及且係金樹屏等按數分賞並非親自求索若計贓科罪似覺情輕法重除家人沈錦張吉病故不議外書辦李學府劉燦吳部祁嶙張秉亮王興蘭張理家人李錦胡燦徐章均應照不應重律杖八十時在熱審期內減一等杖七十折責三十五板先

行發落李學府等仍革役商人王溪等出銀本由張任莘等求索應毋庸議各犯名下所得銀兩係叅發之贓概追入官蘓壽寧名下所得銀兩已經退還商人應在王溪等名下追繳張任莘朱若東鄧錫禮金樹屏王執玉商思忠王家憲各名下贓銀應將原籍任所已經查封財產估變完繳倘有不敷仍在本犯名下追繳各書辦家人贓銀俱應於各本犯各下一併照數勒追入官其家人書辦贓銀如有追不足數全病故家人沈錦張吉未獲劉保安所得銀兩統于各官犯名下着追至王執玉商思忠王家憲給

過廠書巡役等費係鹽道飭議詳准現有卷簿領狀可據  
應免着追劉保安獲日另結又乾隆二十五年十一月十二  
兩月內擦過鹽二萬七百二十九包按各衙門公費每包  
共銀三錢一分之數計筭該九扣紋銀六千四百二十五  
兩九錢九分商人已扣未交應仍在王溪等各下追繳入  
官等語查書辦家人所得公費銀兩雖係各本官按數分  
賞並非親自求索但既得受銀兩自應計贓治罪查律載  
坐贓折半科罪一百兩杖六十徒一年八十兩杖一百等  
語家人李錦得銀二百九兩零計贓折半科罪在一百兩  
以上應照律杖六十徒一年書辦李學府得銀一百六十  
五兩折半計贓八十兩應照律杖一百其餘得贓無多之  
書辦劉燦等并鹽商王溪等均應如該撫所題完結等因  
奉

旨朱若東依擬應斬鄧錫禮張任萃依擬應絞俱着監候秋後  
處決餘依議

侵盜一千兩以上限內完贓不准減等

十二年刑部會看得叅革湖南布政使楊灝短扣穀價一案據湖南撫陳 疏稱緣湖南省乾隆二十年冬及今春兩次撥運江米二十萬石動碾各屬常平倉穀四十萬二十石應於秋成照數動項買補經楊灝詳定每石先發司庫銀五錢令各屬按照時價採買有餘解交不足找補楊灝先以辦公無項爲由向庫官周照庫吏李祖潤詢問司庫可動之款李祖潤答以藩庫惟兌發雜項錢糧零積平餘原係報部充公可以詳動而周照又稱本年有

成案新編

卷十二

刑律

六十八

受贓

應發買補江米穀價亦屬雜項錢糧平餘較往年加多等語稟覆楊灝輒以穀價既報平餘即可多扣預向庫官授意併囑令外甥陳剛及家人王玉輪流監視庫官周照彈平又令表侄狄應魁狄應甲監視庫吏李祖潤吳方誠包封銀兩給發永州府并祁陽縣穀價庫官周照甫經彈兌陳剛即言穀價兌重周照知係楊灝之意亦即聽從短扣每百兩約扣銀七八錢不等嗣後彈發各屬穀價俱就整錠兌發如有不足無論多少概不准添以致輕短不一每百兩扣至七八錢少一兩二錢二兩六七錢至三兩二三

錢不等共發過各屬買補碾運江米穀價銀一十八萬七千四百三十五兩共短發銀三千五百二十四兩九錢三分零又發給各屬買補碾辦兵米穀價銀一萬四千七百零四兩八錢七分共短銀一百四十九兩七分零通共短發銀三千六百七十四兩一分零俱係家人王玉親屬陳剛送交楊灝收存已據供認不諱雖據楊灝供稱留辦學宮祭器但當日並未詳稟私自侵扣銀未在庫未便聽其借詞掩飾將楊灝依例擬斬監候所扣銀兩已據楊灝照數交納應否減等聽候部議庫官周照擬以革職已手本

案革職無庸議庫吏李祖潤等擬杖等因具題前來應如  
該撫所題楊灝合依侵盜錢糧一千兩以上例擬斬監候  
秋後處決該撫疏稱所扣銀兩已據楊灝照數交納長沙  
府庫取有庫收隨招迭部應否減等聽候部議等語查侵  
盜那移等贓一年限內全完雖例得減等擬流但楊灝係  
候補道員蒙特恩簡用藩司甫經到任即將應發穀價扣  
留入已應不准減等該撫既稱庫吏李祖潤吳方誠不行  
真阻陳剛王玉監守彈平順從扣短均應照不應重律杖  
八十李祖潤吳方誠仍革役等語應如該撫所題完結再  
本夫率信送給之語招攬婚配應照不應重律杖八十陳  
繼倫張惠不行理阻均應照不應輕律笞四十等因  
旨郭進忠依擬應絞着監候秋後處決餘依議

官犯侵貪限內全完不准減等

乾隆二十三年刑部會看得參革黃州府知府李瑛廣濟

縣知縣馬汝明庇縱蠹書周錫璉等私派虐民及前任正

署知縣虞學灝等加徵得贓馬汝明侵虧庫帑一案據湖

督碩 將馬汝明依侵盜錢糧一千兩以上例擬斬雖侵

用銀兩參後全完不准減等虞學灝以監守自盜論一千

兩以上例擬斬雖將來限內完贓亦不准減等高聯登依

因公科歛計贓以枉法論八十兩以上律擬絞雖限內完

贓不准減等知府李瑛照受財故縱與同罪者全科至死

刑律

受贓

者絞律擬絞周錫璉久踞衙門主謀私派殊干法紀比照各部院衙門書辦招搖撞騙干犯

國憲非尋常犯贓者可比發覺審實卽行處斬例擬斬立決先行刺字徐世駿陳超羣李澤遠周錫鰲李紹松方履綏李正羣均依因公科欵計贓以枉法論無祿人在法贓一百二十兩律擬絞蘓泰來等擬以軍徒等因具題前來查虞學灝到任之始卽起意加派授意蠹書多徵銀米在任四年得贓二千八十餘兩之多今據該督依監守自盜一千兩以上例擬斬監候但創爲加派朘剥民膏官吏分肥

殊于法紀應請

旨卽行正法馬汝明私派侵虧先後贓銀俱於叅後全完應如該督所題爲汝明依侵盜錢糧一千兩以上擬斬監候例應擬斬監候秋後處決雖限內完贓應不准減等高聯登因循陋弊得銀三百餘兩贓於限內全完應如該督所題依因公科歛財物入已計贓以枉法論在法贓八十兩以上絞律應擬絞監候秋後處決雖限內完贓亦不准減等知府李泌據該督訊無得財情弊但明知度學灝等浮收及經告發並不據實揭報李泌亦應如該督所題從重比

成案新編

卷十一

刑律

七十一

受贓

照受財故縱與同罪者全科至死者絞監候律應擬絞監候秋後處決以上官犯均照例免刺蠹書周錫璉久跡衙門主謀私派侵收錢糧入已非尋常犯贓者可比周錫璉應如該督所題比照各部院衙門書辦招搖撞騙干犯國憲發覺審實卽行處斬例擬斬立決徐世駿陳超群李澤遠周錫鰲李紹松方履綬李正群各派收錢糧入已應如該督所題均合依因公科歛入已者以枉法贓一百二十兩絞監候律擬絞監候秋後處決照律刺字該督旣稱蘓秦來胡逢太其成春王元茂倪月華胡貴芳均係該縣蠹



多訊不知情應毋庸議所有失察督撫司道職名相應開  
報統聽部議等語俟

命下之日臣部移咨吏部照例查議等因奉

旨虞學瀨周錫璉俱着卽處斬馬汝明依擬應斬高聯登李玘  
徐世駿陳超群李澤遠周錫鰲李紹松方履綏李正群依擬  
應絞俱着監候秋後處決餘依議

不在法贓探知訪查先已退還准減等

乾隆二十七年刑部會看得叅革署灌縣知縣宋毓璋會  
縱濫刑一案據川督開 疏稱如原叅宋毓璋各款鞫無  
遁情查宋毓璋因商人請增引目索得九七色銀六百兩  
長隨汪得祿全禮各索九七色銀二十兩於探知訪查時  
均已退還商人賈有光等業於賈有光等各下如數追出  
解交藩庫在案宋毓璋除擅罰濫刑失察長隨書役犯贓  
並查出私茶匿不申報各輕罪不議外合依官吏因事受  
財計贓科斷不在法贓一百二十兩以上律擬絞監候業

成案新編

卷十二

刑律

七十四

受財

已全行吐退於各商名下如數追繳應照一年限內全完  
例減等擬流等因具題前來應如該督所題宋毓璋合依  
官吏因事受財不在法贓一百二十兩以上律擬絞監候  
業已全吐於各商名下如數追繳應照不在法贓於一年  
限內全完死罪減一等改流例杖一百流三千里係貪官  
不准納贖照例發陝甘邊省爲民永不叙用該督既稱長  
隨汪得祿全禮各得九七色銀二十兩合依長隨求索得  
財照蠹役詐贓治罪十兩以上例發邊衛充軍查銀已退  
還亦於賈有光等名下追繳解庫應照不在法贓一年限

丙全完單流以下各減一等發落例應各減一等杖一百徒三年湯超鄭候通知賈有光等各送銀兩出自本官朱毓璋主令但既不稟阻又聽許財物均屬不合依不應重律杖八十革役差役秦耀得受譚興禮銀一兩二錢合依衙門蠹役索賍一兩至五兩例杖一百加枷號一個月已經完贖璋責過二十五板應枷號一個月滿日補責十五板王坤余文連張俸鄧材各得譚興禮銀五錢均依蠹役索賍一兩以下例杖一百已責過二十五板應各補責十五板俱革役譚興禮見秦耀等盤獲私茶不應令伊子

成案新編

卷十二

刑律

七十五

受賍

譚洪忠向差役行賄應照不應重律杖八十等語均應如該督所題完結等因奉

旨依議

准枉法期限內全完不准減等

乾隆二十四年刑部據署江撫阿爾賽稱泰華建昌所領運千總周琴係勒索旗丁李顯等銀兩案內擬依監臨官吏求索借貸所部內財物計贓強者准枉法論八十兩杖一百流三千里係貪官不准折贖永不叙用奉准部覆飭令追贓僉遣嗣據南昌縣於周琴名下追完贓銀一百二十四兩並將原繳存銀七十三兩又變賣木枋皮槁銀四十八兩四錢八分共銀二百四十四兩四錢八分解司收兌報部在案查例載准枉法贓果於一年限內完贓軍流

成案新編

卷十二

刑律

七十六

受贓

以下各減一等發落又乾隆二十三年九月二十七日奉  
上諭兵部奏原任道員鈕嗣昌坐臺期滿一摺該犯以方面大員侵虧庫項倉儲入已至一萬餘兩問擬斬候因限內完贓減等發往軍臺効力此雖向例但思侵虧倉庫錢糧入已限內完贓准予減等之例實槁未協苟其因公那移尚可曲諒若監守自盜肆行無忌則寡廉鮮恥敗亂官方已甚豈可因其完贓限內遂從末減耶嗣後因公那移及倉庫霉泔情有可原等案仍照舊例外所有實係侵虧入已者限內完贓減等之例着永行停止欽此欽遵在案恭釋



上諭係專指官員監守自盜倉庫錢糧入已者限內完贖不准  
 減等今該叅弁周琴係勒索旂丁分升行月并勒索准放  
 等銀依監臨官吏求索借貸所部財物強者准枉法論問  
 擬杖一百流三千里是該犯周琴勒索所部旂丁財物與  
 官員監守自盜倉庫錢糧官物侵虧入已洵屬有間今周  
 琴名下應追入官贓銀既於一年限內如數全完周琴流  
 罪應照限內完贓原例減一等杖一百徒三年相應咨部  
 示覆等因前來查周琴雖非侵虧倉庫銀兩亦非因公那  
 移倉庫霉泔該犯身為運弁勒索旂丁財物入已實屬敗  
 壞官方情無可原雖於限內完贓應不准其援減仍令該  
 署撫將周琴照原擬流罪發落等因

成案新編

卷十二

刑律

七十七

受贓

准不在法贓限內全完減等

乾隆二十六年刑部議得據川督開疏稱叅革嘉定府知府周璘因收受老洞溝廠員保縣縣丞程涇英賀禮人參及盤費等銀將周璘依監臨官吏求索所部內財物計贓准不在法論擬以杖一百流三千里題准部覆嚴飭勒追贓銀茲查明周璘名下應追贓銀七百一十兩乾隆二十五年五月二十二日奉准部文催追起至十二月初三日已全數完繳查周璘係計贓准不在法論擬以流罪其名下應追贓銀於一年限內全完與減等之例相符相應

成案新編

卷十二

刑律

七十八

受贓

恭疏題請如蒙

聖恩准其減等俟接准部覆照例杖一百徒三年於犯事地方定驛發配至配所折責四十板擺站除實收送部外相應具題等因前來查叅革知府周璘收受廠員盤費等銀審擬監臨官吏求索所部內財物計贓准不在法論律擬以杖一百流三千里該督既稱該叅員名下應追贓銀於一年限內全完與減等之例相符等語相應照例請

旨如蒙

聖恩准其減等臣部行文該督將周璘原擬流罪減一等杖一



百徒二年等因奉

旨依議

成案新編

卷十一

刑律

七十九

受賍

受賄頂克同場說合

乾隆二十二年刑部會看得新

汪立鰲截傷雷紹

澄身死并賄買汪立清認克一案據江撫胡疏稱汪立

鰲與雷紹澄素無仇隙緣汪雷二姓各有田畝坐落牛脚

湖邊乾隆二十一年四月初二日汪立鰲族人汪立清偕

子汪仁瑞在田工作雷紹澄堂侄雷本彬將汪仁瑞田坵

挖開裝籠取魚汪仁瑞以坵水須留灌蔭不應挖放擣取

魚蒙欲往投人理論雷本彬向奪汪仁瑞將籠踏破雷本

彬卽將扁担毆傷汪仁瑞左額角倒地汪立清卽持竹尖

成案新編

卷十三

刑律

八十

受賄

挑往護維時汪立鰲在別田望見亦卽持鐵草叉往救汪

仁洪徒手隨往汪仁瑞卽從田爬起接取伊父手中竹尖

挑向雷本彬毆打雷本彬用扁担還毆適汪仁洪上前攔

勸雷本彬扁担致傷汪仁洪頂心汪仁瑞復用竹尖挑打

截雷本彬右額心坎雷本彬跌倒比雷紹澄在田力作見

而奔救手執扁担喊打汪立清空手上前攔阻被雷紹澄

毆傷左額角汪立鰲上前救護雷紹澄又用扁担向截汪

立鰲以鐵草叉抵格叉齒截傷雷紹澄左肋跌倒田上當

經周尚鉞等趕至汪立鰲等已各奔逸詎雷紹澄傷重旋



即殞命汪立鰲因事由救護汪立清之子汪仁瑞而起欲  
推汪立清爲兇手惟汪仁洪在場隨至汪仁洪家曉其作  
証汪仁洪未允汪立鰲回家思出銀兩買認正在躊躇適  
伊戚李熙熊桂聞信往視汪立鰲即以前情告知並喚堂  
兄汪勝圖至家央求說合李熙等俱各應允即同至汪仁  
洪家脩述出銀賄買認兇情由汪仁洪往喚汪立清到家  
李熙等共言汪立鰲願出銀兩勸令汪立清頂認兇手汪  
立鰲先許銀五十兩汪立清以雷本彬受傷亦重恐至斃  
命伊若代頂勢必父子抵填嫌銀太少汪立鰲許以六十

成案新編

卷十二

刑律

八十一

受贓

兩令汪立清頂認截死雷紹澄正兇自願代認汪仁瑞所  
毆雷本彬傷痕延醫救治各不翻悔汪立清允從汪立鰲  
即回家取市平色銀六十兩交汪仁洪等面付汪立清收  
受汪立清即將銀兩同兇器鐵叉帶回與伊子汪仁瑞說  
明汪仁瑞諫阻不從即行躲避屍翁雷紹漢先因外出不  
知正兇無從查明遂開汪立清汪立鰲汪仁瑞汪仁洪爲  
兇犯投保報縣請驗汪立清即頂認毆死雷紹澄正兇汪  
立鰲代認毆傷雷本彬汪仁洪附和混証嗣獲汪仁瑞究  
出賄買頂兇情由並於汪立清家起出餘剩賄銀錄供通

刑律  
刑律  
刑律

成案新編

卷十二

刑律

八十二

受賍

報研訊據汪立鰲將起衅截傷雷紹澄身死並賄買汪立清認免各情由供認不諱究非有意欲殺將汪立鰲依律擬絞監候汪立清等擬以徒杖等因具題前來除汪立鰲代認毆傷雷本彬並賄買頂克輕罪不議外應如該撫所題汪立鰲合依鬪毆殺人者不問手足他物金刃並絞律應擬絞監候秋後處決該撫既稱汪立清得九五色布平銀六十兩實扣紋銀五十五兩二錢九分冒認正克合依枉法賍五十兩杖一百流三千里無祿人減一等律應杖一百徒三年汪仁洪說事過錢計賍與証佐不言實情均止杖徒應從一科斷李熙等各聽汪立鰲央託同場說合並無首從汪仁洪李熙熊桂汪勝圖均合依說事過錢與受財人同科律杖一百流三千里無祿人減一等各杖一百徒三年汪仁瑞雷本彬除互毆成傷輕罪不議外雷本彬混空冷水致肇衅端汪仁瑞到案不即實供均合依不應重律杖八十飭先折責發落未獲賄銀應於汪立清名下追出同已獲之銀一併入官冷缺嗣後禁止乞放取魚以杜爭端等語均應如該撫所題完結等因奉旨汪立鰲依擬應絞着監候秋後處決餘依議

私和各計入已贓科罪

乾隆二十七年刑部會看得都昌縣民陳義昭毆傷無服族兄陳義侯身死私和匿報一案據江撫常疏稱查已死陳義侯係陳義昭無服族兄陳義昭除行賄私和計贓罪止杖徒不議外將陳義昭依律擬絞監候陳義伯等擬以杖徒等因具題前來據此應如該撫所題陳義昭合依同姓服盡親屬相毆至死者以凡論鬪殺者絞律擬絞監候秋後處決該撫既稱陳義伯係陳義侯胞弟得財私和受贓八十兩合依期親尊長被殺而卑幼受財私和者計

成案新編

卷十二

刑律

八十三

受贓

贓准竊盜論竊盜贓八十兩律應杖九十徒二年半陳義富係已死陳義侯小功服兄除得受陳義昭田三畝作銀二十四兩准竊盜贓罪止杖八十不議外合依卑幼被殺小功尊長私和律應杖一百鄉約陳而盛等各得謝銀一兩無服戶長陳盛先等各得銀三錢均合依常人私和人命受財者准枉法論枉法贓一兩以下杖七十無祿人減一等律各杖六十鄉約仍革役所得贓銀均照追入官等語均應如該撫所題完結等因奉

旨陳義昭依擬應絞着監候秋後處決餘依議

挾勢求索

乾隆二十一年刑部會議得叅革南昌衛後幫領運千總王鈞尅丁婪贓一案據江撫胡 疏稱如原叅該衛造船四隻王鈞於領出料價後每隻扣銀三兩一款審緣王鈞於乾隆二十年八月內因食用不敷見旗丁朱管生李緬羅辛保張均昭等新造漕船每隻領銀二百八兩零王鈞遂向朱管生等四船每船索銀三兩朱管生等共出銀十二兩交王鈞收受已據王鈞供認不諱核之原審朱管生等各供相符是王鈞賄各丁領出造船料價勒索銀兩屬

成案新編

卷十二

刑律

八十四

受賄

實又原叅王鈞每船勒派承管禮六兩見面禮三兩一款今審緣王鈞於乾隆二十年八月內見新造漕船之旗丁朱管生李緬張均昭羅辛保等先後稟見王鈞意在索銀故意畱難卽授意衛役石丁元向朱管生等勒索朱管生等各送禮銀三兩王鈞始行傳見後遞承管手本復勒朱管生等各送承管禮銀六兩先後共銀三十六兩俱交石丁元轉繳王鈞收受已據王鈞供認無異質之石丁元并核之原審朱管生等各供相符是王鈞挾勢勒索又無疑義又原叅王鈞押令造丁置辦炕床几桌等物每船費銀

三兩一款今審緣王鈞於乾隆二十年十一月初間見朱  
管生等投報造船工程令朱管生置辦炕床一張費銀三  
兩尚未發價李緬置辦琴桌兩條書架兩張需銀一兩四  
錢止發銀五錢王鈞亦俱直認核之原審朱管生等各供  
相符是王鈞短發價值不卽支價咎亦難辭又原叅旗丁  
蘇添潤等十一船回空王鈞藉以到遲每船勒銀四兩一  
款今審緣王鈞於乾隆二十年十二月十一日見蘇添潤  
等三船舵役何添福胡忠俚曹文學赴衛稟到王鈞藉稱  
遲延令衛役石丁元鎖押嚇候次日發落何添福等卽求  
石丁元說情各條銀三兩與石丁元轉送王鈞卽將何添  
福等開釋其後到之張再良王登貴何啟聖熊添華殷起  
榮楊文學孫正學等七船亦各出銀三兩惟最後到之殷  
起鳳送銀四兩共銀三十四兩俱交給石丁元轉繳王鈞  
收受石丁元亦得何添福等十一船謝銀共六兩六錢已  
據王鈞自認不諱本以審蘇添潤等各供并質審石丁  
元供俱相符是王鈞假公濟私恐嚇索取各舵役銀兩罪  
實難辭又原叅運軍船五十七隻王鈞於各船領行月錢  
糧毋船扣銀三兩一款今審緣王鈞於乾隆二十一年正

月初八日帶領旗丁朱管生赴糧道衙門具領通帮行月錢糧一半每船領銀五十四兩五錢八分詎王鈞傳喚朱管生阮得招等進署每船勒索銀三兩以作盤費朱管生向後帮二十九船說知共扣銀八十兩零八錢阮得招亦向腰船二十八隻說知共扣銀七十二兩二共銀一百五十二兩八錢送交王鈞收受封貯署內隨經訪叅委令九江府同知完顏隆輔查出原銀發給各丁領回濟運在案以原審朱管生等各供質之王鈞俯首認罪是王鈞見各丁領行月錢糧挾勢強索計圖肥己咎更難辭又原叅各縣給丁贈軍剝淺銀兩時每船扣銀二兩四錢一欸今審緣南昌衛通帮漕船五十七隻每隻應給剝淺銀五兩二分零向係武寧等七廳縣移銀到衛由衛分發原封給領詎王鈞於乾隆二十一年正月初四日因蓮花廳六船淺費未到先將武寧等六船銀兩給發當傳朱管生等入署面諭每船扣銀三兩各丁依允領銀後每船止給銀二兩四錢因該丁等所稱銀兩平頭短少實止共送銀一百二十兩亦存貯署內叅後亦經糧道委員查出給發各丁領回濟運其贈軍一項王鈞尚未發給經糧道飭提親發未

被扣剋以原審朱管生等各供質之王鈞俯首無辭是王鈞強索各丁剥淺銀兩罪實難追以上各款反覆研審均無異詞核之各原供俱各昭合似無遁情除令旗丁朱管生等備辦炕床一張不即支價李緬等置辦棊凳等物短發價銀及恐嚇各舵役何添福等計贓三十四兩各輕罪不議外其先後求索旗丁朱管生等各主贓銀共三百二十兩八錢俱係挾勢強索應通筭全料將王鈞依律擬流折枷石丁元擬杖等因具題前來據此應如該撫所題王鈞合依監臨官吏挾勢求索所部財物計贓強者准枉法

論八十兩絞准者罪止杖一百流三千里律應杖一百流三千里旗人解部折枷號兩個月鞭一百發落係貪官永不敘用該撫既稱王鈞強索行月錢糧剥淺銀兩共計二百七十二兩八錢各丁雖未首告但訪叅之後經糧道委員摘印於王鈞署內查出原銀正值旗丁運漕北上需費孔殷且係該丁等應領濟運之項已經給發各丁領回濟運應予免追其餘叅發未繳恐嚇強索贓銀共八十二兩應於王鈞名下照追入官其王鈞諭令李緬等置辦桌凳既短發價值應依律追出原物給主而所用之價計銀一

兩三錢照追入官至今朱管生置辦炕床不卽發價應追  
物還主衛役石丁元除說事過錢係本官勒索照例不坐  
外其得受何添福等謝銀六兩六錢應依枉法贓一兩至  
五兩律杖八十無祿人減一等杖七十時逢熱審照例減  
等飭先折責發落仍追銀六兩六錢入官旗丁朱管生及  
舵役何添福等各出銀兩俱被本官詐索先經飭令領運  
應毋庸議等語均應如該撫所題完結等因奉

旨依議



因公科歛並未入已毋庸議追

乾隆二十六年刑部據署江撫湯谷稱浮梁縣桃樹鎮

巡檢王朝雍科歛財物修造衙署一案緣浮邑桃樹鎮巡檢於康熙二十年移駐景德鎮因衙署年久朽壞乾隆二十五年六月內大堂倒塌該叅員王朝雍欲自修建傳匠估計工料共需銀二百兩因止自備銀一百五十兩尚少銀五十兩無從設措不克完工有書識王瑞也以修造衙署乃屬地方公事該鎮米舖衆多貲本較厚稟請王朝雍勸諭捐助以冀完工王朝雍聽從遂於七月初十日令王

成案新編

卷十二

刑律

八十九

受賍

瑞也往傳在鎮年久之米舖胡象三陳禹功歐萬符汪瑞臣朱秀卿黃秀山金登士汪廷光程殿邦邵兆侯胡涵周等十一人進署告以勸捐之意令其與衆米舖量力捐助胡象三等應允而去卽向米舖汪聯鳳等七十八戶告知前情當經汪聯鳳等各出銀一二錢至五六錢不等共出銀四十三兩四錢胡象三等十一人亦各出銀六錢通共湊銀五十兩經胡象三等面交王朝雍收受遂將大堂修竣完工嗣經訪聞谷叅奉准部覆行令飭審茲訊據王朝雍供認不諱質之舖戶胡象三等供亦無異查律載凡有

司官吏人等非奉上司明文因公擅自科斂所屬財物者雖不入已杖六十贓重者坐贓論又坐贓致罪各主者通筭折半科罪二十兩笞四十又坐贓條內註云官吏坐贓若不入已者擬還職役又查處分例載原叅罪重審虛而該員尚有笞杖輕罪例應降級罰俸者於本內聲明將該員原叅革職之案准其開復按其所犯輕罪應降級者降級應罰俸者罰俸分別議處各等語今王朝雍因修造衙署擅自科斂各米舖銀共五十兩審無入已拆半科罪僅止擬笞王朝雍除坐贓輕罪不議外合依因公科斂律杖

六十但查王朝雍先因違例科斂財物恐有入已情弊是以詳請咨革嚴審今既審明贓無入已罪止杖六十所有原叅革職之案准其開復仍按其所犯杖罪議處之處相應照例聲明聽候部議書識王瑞也稟請勸助合依不應重律杖八十折責三十板仍革役米舖胡象三等皆因王朝雍諭令捐助伊等以地方公事是以轉告衆舖戶量力出銀伊等亦各捐銀彙繳與別項贓私說事過錢者不同應與聽從捐助之汪聯鳳等七十八人均請免議王朝雍科斂銀五十兩已爲修造太堂公用毋庸議追除咨吏部

外相應咨明等因前來據此王朝雍等均應如該署撫所  
擬完結至文職應否開復事隸吏部該署撫既經咨明吏  
部應聽吏部查議可也

五  
十  
五